

左
海
經
辨

左海經辨卷下

福州陳壽祺學

釋文併易傳

經典釋文敘錄注解傳述人於施讎易下彭宣戴崇竝云作易傳案施氏易之後有書者惟景鸞作易說見後漢書儒林傳而漢書藝文志儒林傳及張禹彭宣兩傳皆不言宣崇著易傳隋書經籍志備列梁七錄亡逸之秩亦無此書不知陸氏何據攷易子夏傳七畧云韓嬰傳見敘錄而德明直以爲卜子夏梅賾所上古文尙書及孔傳與馬鄭本垂而德明以爲真古文其決擇亦多未

精疑所謂彭戴易傳亦悞據贗本耳冊府元龜卷六百
七注釋類載彭戴易傳與釋文敘錄同蓋卽誤據釋文

易音辨

孔氏周易正義八論論易之三名曰鄭平依乾鑿度作
易贊及易論云易一名而含三義易簡一也變易二也
不易三也孔又云崔覲劉貞簡等竝用此義皆以緯稱
不煩不擾澹泊不失此明是易簡之義無爲之道故易
者易也作難易之音而周簡子云易者易音也不易也
變易也易有易代之名凡有無相代彼此相易皆是易
義張氏何氏竝用此義云易者換代之名待奪之義不
顧緯文不煩不擾之言所謂用其文而背其義故今之
所用同鄭康成等易者易也音爲難易之音義爲簡易

之義得緯文之本質也。孔述鄭易如此。案繫辭乾以易知。陸氏釋文云。鄭荀董並音亦。虞翻注繫辭云。陽見稱易。坤藏爲簡。乾息昭物。天下文明。故以易知。坤閱藏物。故以簡能。注大壯六五喪羊于易。旅上九喪牛于易。皆云。乾爲易。是四家並讀易簡之易爲亦音也。毛詩周頌岐有夷之行。傳云夷易也。箋云。以岐邦之君有佼易之道。故也。其下卽引易曰乾以易知。云云。箋意申毛佼易卽夷易之義也。易喪羊于易。釋文云。鄭音亦。謂佼易也是佼易之易如字。鄭以易簡證佼易。則讀易簡如字明矣。鄭先通京氏易。晚乃治費氏詩。箋所引蓋京易。是京

氏亦讀易簡之易爲亦音也。毛詩大雅板。牖民孔易。箋
易易也。可證二字古音義無異。淮南俶真訓。人莫鑑於
流沫而鑑於止水者。以其靜也。莫窺形於生鐵而窺於
明鏡者。以覩其易也。夫惟易且靜。形物之性也。高誘注。
易讀河閒易縣之易。此亦難易之易。讀如亦之一證。孔
冲遠徒狃於後世俗音。以易簡變易。分去入二聲而不
知古音無是易之三名。皆同聲爲訓也。陸元朗於易大
壯。旣引鄭讀佼易音亦。乃於周頌。又以佼易與夷易同
音羊豉反。不亦踏乎。

釋无

說文弟十二下亾部无奇字無通於无者虛無道也王育說天屈西北爲无案陸德明周易音義云无說文云奇字無也通於无者虛无道也釋元應妙法蓮華經弟一音義亦引作奇字無也今本說文脫一也字玉篇亾部无虛无也廣韻十虞无虚无之道皆本許氏是唐以前說文本有虚无道也四字今本說文虚无之无譌爲無小徐繫傳同金壇段氏若膺依宋本改爲奇字无通於元者七字云奇字句絕无通於元者謂无之形體近於元而通其上此說甚迂曲不可從宋本亦有譌脫五

音韻謹集韻類篇並屬沿譌不如據釋文所引爲確

釋𩇑如

易屯六三屯如逌如。釋文曰：逌如，張連反。馬云：難行不進之貌。呂氏古易音註：𩇑，今本作逌。陸氏曰：張連反，亦作逌。壽祺案：據呂氏則陸本作𩇑如。今釋文大書作逌如者，非。集韻一先：逌，或作𩇑。蓋卽本未誤之釋文也。說文作𩇑。馬部：駟，馬載重難行也。从馬參聲。𩇑，駟也。从馬𩇑聲。易曰：乘馬𩇑如。此與馬融說合。集韻十八諄：駟，屯同音。晁氏古周易亦云：駟音屯，或疑屯如古亦作駟如。然攷廣雅釋詁：屯，𩇑難也。則屯當如字。說文引易宜曰：屯如𩇑如。云乘馬𩇑如者，涉下乘馬班如而誤。

釋跛

易履六三跛能履釋文曰跛波我切足跛也依字作跛

今本跛譌爲破據周易會通載古易音訓引陸氏訂正

壽祺案說文弟二下足部

跛行不正也从足皮聲又蹇跛也弟十下允部尫蹇也从允皮聲尫尫行不正也是尫與跛通玉篇尫今爲跛陸氏言跛依字作尫是

釋揣

易頤初九觀我朵頤釋文曰朵多果反動也鄭同京作揣壽祺案廣雅釋詁揣動也文與搖捎抗相次釋訓揣抗搖捎也轉相訓廣雅蓋義本京氏易玉篇揣有丁果切一音廣韻揣搖也丁果切此古音古義也揣正字朵同聲假借字京鄭文異義同集韻三十四果揣重文採說文揣量也廣雅釋詁採量也是揣採字通揣或从朵作故古字省手假朵爲之釋文揣舊譌揣从木攷說文木部揣箠也一曰揣度也一曰剋也皆非易義晁氏古周易及呂氏古易音訓引釋文又譌爲揣从土集韻三

十四果端在揣上云動也易觀我朵頤京房讀類篇同
皆本釋文而誤攷說文土部端垂貌不訓動也今據朱
本及錢遵王本釋文證以廣雅詁訓定从手作揣六經
正誤亦曰京作揣作揣誤古易音訓晁氏曰劉亦作端
端頤多辯也此端字亦當从手劉氏以揣頤爲多辯蓋
與咸其輔頰舌同意

釋丞

易明夷六二用拯馬壯吉影宋本釋文曰用丞拯救之
拯說文云舉也鄭云承也子夏作拊字林云拊上舉音
承壽祺案釋文大書用丞二字注云拯救之拯是陸氏
所見王輔嗣易拯字作丞與孔氏正義本異周易艮卦
不承其隨
音義亦云承
音拯救之拯舊本周易會通載呂氏古易音訓云丞今

本作拯陸氏曰拯救之拯呂氏音訓本之晁氏是晁說
之呂伯恭所見釋文作丞也據釋文則鄭康成易亦作
丞訓承此費氏古文也文選楊雄羽獵賦丞民乎農桑
李善注引聲類曰丞亦拯字也漢書本傳作承民師古

曰承舉也。易艮不承其隨。釋文亦云承音拯。救之拯引馬融云承舉也。左氏傳目於晉井而承之音義云承拯救之拯。列子黃帝並流而承之。殷氏釋文云出溺爲承。諸家直作拯。又作橙。說文無拯。有拊云上舉也。从手升聲。易曰拊馬壯吉。橙拊或从登。隸釋載漢孔靈碑拊馬。蠲害與說文合。蓋孟氏易也。玉篇拊救助也。橙拯並同。上承聲類云拊字集韻四十二拊云拊古或作承。橙拯承類篇拊或作承。橙拯壽祺謂拊正字。橙或字承卽承之省。丞承通借字。拯俗字。今本釋文用丞。譌爲用拯。則注云拯救之拯於音爲贅。近刻古易音訓又譌用丞。

爲用承則注引鄭云承也於義爲贅音訓又云九家亦作承云升也以上下文義求之此承亦當作丞矣說文丞在卅部訓翊也卅在手部訓上舉也釋文於丞字引舉也之訓蓋陸氏以義通丞於卅猶之一切經音義及文選注引說文卅皆作拯也其卅字之訓捨說文而援字林則逐末失本唐人通病如釋元應李善皆然而陸氏其先路也

釋𦘔

易睽九三其牛掣釋文曰掣鄭作𦘔云牛角皆踴曰𦘔
說文作𦘔之世反云角一俯一仰子夏作𦘔傳云一角
仰也荀作𦘔音綺二字據晁氏古易音訓引增劉本從說文解依鄭
壽祺案爾雅釋畜角一俯一仰𦘔皆踴𦘔今說文角部
𦘔一角仰也从角𦘔聲易曰其牛𦘔集韻十三祭類篇引
同與爾雅皆踴𦘔之訓違然說文復出𦘔字云角一俛
一仰也从角奇聲陸所引又與𦘔之訓亂李鼎祚周易
集解引虞翻曰牛角一低一仰故稱𦘔與陸引說文解
合竊謂易宜本作𦘔𦘔與𦘔同說文𦘔字解當如釋文

所引諸家說皆本爾雅漢時爾雅別本蓋有觥翬互易者故許叔重鄭康成劉表虞翻荀爽所據各異子夏傳作翬聲假借今本說文一角仰之說與子夏傳合與釋文所引微異非其舊也

釋剗

說文刀部剗刑鼻也从刀鼻聲易曰天且剗重文剗剗

或从鼻

剗或从鼻之剗舊譌鼻今改正

案刑鼻集韻六至類篇晁氏古

周易所引並誤作剗鼻說文跂斷足也重文跂跂或从

元則絕也周禮司刑則罪五百鄭注則斷足也爾雅釋

言跂則也尚書呂刑正義引李巡爾雅注周易集解引

虞翻困卦注並與鄭同則卽跂字以則爲剗則斷足之

訓豈可施於割鼻高郵王氏廣雅疏證依說文則鼻譌

字而曲爲之說非也小徐繫傳本作剗

剗當依篆正字作剗

攷

周易釋文睽九三天且剗王肅作臲困九五剗剗荀爽

王肅本作𦘒𦘒上六于𦘒𦘒薛虞作𦘒𦘒說文出部引
作𦘒𦘒陸德明云𦘒說文作𦘒然則𦘒𦘒也𦘒𦘒也𦘒
𦘒也𦘒𦘒也𦘒𦘒也字各異而義均同說文𦘒訓𦘒𦘒
者言𦘒卽𦘒𦘒之𦘒同聲通假字也𦘒𦘒連文則訓不
安專言𦘒則訓割鼻故說文於下又引易天且𦘒

釋次且

易共九四其行次且釋文曰次本亦作𨔵說文及鄭作
𨔵同七私反馬云卻行不前也說文倉卒也且本亦作
𨔵同七餘反馬云語助也王肅云𨔵𨔵行止之礙也壽
祺案說文走部𨔵倉卒也从辵𠂔聲讀若資𨔵𨔵𨔵行
不進也从辵次聲易次且鄭本作𨔵王肅作𨔵論語造
次必於是釋文引鄭注云造次倉卒也與說文𨔵訓合
是次𨔵字通故陸德明引說文舉𨔵而不及𨔵馬融訓
卻行不前則通次於𨔵而不改其字王肅次作𨔵義亦
通若𨔵字說文所無今本有之乃徐鉉補錄十九字之

一見說文卷末觀易釋文且下不引說文知古但作且
馬融以爲語助是也惟王肅臆改爲趙陸氏所云本亦
作趙者卽肅本也今說文趙下云趙趙也趙字當由後
人竄誤加走徐氏不察因補此篆廣雅釋訓迄雖難行
也卽易次且字蓋出梁丘施氏易故與孟氏異然亦不
作趙

集韻九魚類篇走部引說
文有趙字者依大徐本收

釋櫨

易姤初六繫于金柅釋文曰柅徐乃履反又女紀反廣雅云止也說文作櫨云絡絲趺也讀若昵字林音乃米反王肅作拊從手子夏作鋤蜀才作尼云止也壽祺案今說文木部櫨絡絲櫨从木爾聲讀若柅下櫨字誤王篇及廣韻十一薺並云櫨絡絲柅也柅趺同字說文原本必作絡絲柅涉篆形近誤重爲櫨類篇誤與今說文同而下云又乃倚切絡絲趺則岐而爲二尤誤矣又攷說文木部有屎字云篋柄也从木尸聲重文柅云屎或从木尼聲案竹部篋收絲者也收絲柄與絡絲柅二物

同類義近而字不相通玉篇梃亦訓絡絲柎廣韻五旨
云梃絡絲柎易曰繫于金梃集韻六脂梃訓絡柎陰閔
道周易新傳疏云蒼頡篇梃作柎柎也許氏說文呂
氏字林曰柎絲趺也絲上脫字或作梃呂女指反案絡
絲之器今關西謂之絡埭音墮梁益之間謂之絲登其
下柎卽梃也陰閔道說見周易會通載呂氏古易音訓稱晁氏所引是玉篇以下
皆誤以梃當柎陰氏解絡絲之器差明然蒼頡篇說文
字林柎梃固未嘗亂也馬融本始作梃解爲在車之下
所以止輪令不動者益失其義矣馬說見周易正義王弼解爲
制動之主蓋用馬說

釋剗

易困九五剗剗釋文曰荀王肅本剗剗作𠂔𠂔云不安
貌陸同鄭云剗剗當爲倪伋京作剗剗案說文創斷也
困上六于𠂔𠂔釋文曰剗說文作剗辭同𠂔說文作𠂔
云𠂔不安也辭又作𠂔字同壽祺案說文弟六下出部
𠂔𠂔不安也从出𠂔聲易曰𠂔𠂔𠂔字說文所無當
作𠂔卽木部𠂔字弟四下刀部剗剗剗也从刀𠂔聲易
曰天且剗从小徐本大徐本剗剗作剗剗今譌剗剗或从鼻剗剗今譌
有𠂔𠂔之𠂔說文不作剗釋文尙未晰說文弟十四下
自部隍危也班固說不安也周書曰邦之阨隍讀若虹

蛻之蛻鄭易讀倪仞者卽此隍阮字剗則也𦣻𦣻也𦣻
𦣻也剗𦣻也𦣻𦣻也倪仞也隍阮也古字並通皆一聲
之轉而各有相合玉篇𦣻下云亦作𦣻隍則誤混矣

釋餽

易鼎九四覆公餽釋文曰餽虞云八珍之具也馬云餽也鄭云菜也壽祺案說文𦉰部𦉰鼎實惟葦及蒲陳留謂餽爲𦉰从𦉰速聲餽𦉰或从食束聲據說文是餽有兩義𦉰部𦉰𦉰也餽𦉰或从食建聲從小𦉰餽也馬融徐本易繫辭之餽作𦉰見釋文故於下經鼎卦以餽釋餽穀梁

傳僖二十三年疏引馬云謂糜也卽說文所謂陳留謂餽爲𦉰也此一義也毛詩大雅韓奕其藪維何維筍及蒲傳藪菜穀也案餽兼有菜穀肉穀菜穀卽四豆之菹詩其藪維何爾雅釋器菜謂之藪是也肉穀卽八珍之

糝易覆公餽是也說詳毛詩正義及周禮醢人疏說文
先云鬻鼎實則非專指菜茹次云惟葦及蒲卽維筍及
蒲之異文蓋據三家詩以餽爲藪謂餽之用菜惟此則
合菜穀肉穀而言之此又一義也鄭注易云餽美饌是
八珍之食與說文鼎實說合又云震爲竹竹萌曰筍筍
者餽之爲菜也見周禮醢人疏與說文惟葦及蒲說合
下筍字當作餽易釋文引鄭注但割取菜也二字爲訓而遺其上下之
文疎夫甚矣

釋臙

王弼易艮九三列其夤釋文曰夤引真反馬云夾脊肉也鄭本作臙徐又作肩古易音訓晁氏曰夤孟京一行作臙鄭作臙皆夾脊肉也

見周易會通

壽祺案說文弟七上

夕部夤敬惕也弟四下因部臙夾脊肉也从因申聲馬王易夤字當作臙夤假借字鄭易作臙說文有臙無臙臙卽臙之或字孟京一行作臙者說文臙癢也一曰遽也皆非易義玉篇臙脊肉也廣韻十六軫集韻十七準及類篇並云臙夾脊肉也義本孟京臙亦臙之或字廣韻臙說文音醕徐邈夤音同是讀夤如臙也申寅引三

者聲近義通。漢書律志引者信也。師古曰：信讀曰伸。國語齊語注：引申也。律志又曰：引達於寅。禮記月令注：寅引也是。脾、臍、朋三字同訓。說文：神屢皆伸聲。並訓引。蟪寅聲。或从引作蜎。引之爲演。猶寅之爲演也。見釋名引之爲進。文選：顏延年北使洛詩注。猶寅之爲進也。爾雅：覬之爲驚。廣韻：十七真。呻鳥。猶臍之爲驚也。莊子：德充符少焉眴。若釋文引獸驚貌。司馬彪注：眴驚貌。眴、瞋同字。見廣韻。皆其聲類。

繻紉辨

易既濟六四繻有衣袽釋文曰繻有而朱反鄭王肅云音須子夏作襦王廙同薛云古文作襦案說文糸部繻繻采色从糸需聲讀若易繻有衣衣下當脫緊字緊緊繻也一曰敝緊从糸奴聲易曰需有衣緊緊下引易需字當爲從糸之繻寫者失之集韻類篇載說文誤同呂氏古易音訓引晁氏亦云說文作需則其譌久矣當以繻下引易从糸者爲正或欲據緊下誤字竝改繻下之繻爲需不知繻既需聲何庸更取需讀且易需卦先見上經不應舍是而取既濟爻詞也說文簡易孟氏皆古文薛廙

云古文作繻。可據陸德明於繻襦二字臚舉諸家異同。獨不言繻字。說文作需。足明之矣。周禮羅氏注。鄭司農云。繻讀爲繻。有衣絮之繻。絮注疏本作襦。今本釋文作絮。皆誤。弓人注。鄭司農云。智讀爲繻。有衣絮之絮。繻繻字兩引不同。然皆不作需。襦者。釋文云。絲襦也。王肅音如。說文作絮。廣雅云。絮塞也。子夏作茹。京作絮。案周易集解。虞翻說。襦敗衣也。與說文一曰敝絮合。說文衣部又有袞字。云敝衣也。巾部又有智字。云一曰敝布是。從小徐本皆與絮聲義同。弓人注。釋文。絮本亦作智。是也。易釋文。三絮字。舊皆作絮。音女居反。古易音訓引皆作絮。則絮當爲絮之誤。然

陸氏釋文上云說文作祭下云京作祭分別瞭然若京
許字同不宜別出其末祭字從如是也說文祭絜緼也
祭敝綿也禮記玉藻緼爲袍鄭注緼謂今纈及舊祭也
是祭絜聲近義通

釋犛

說文牛部犛。易曰犛牛乘馬。从牛。荀聲。案說文犛字引
易而不言其義。玉篇犛皮祕切。服也以鞶裝馬也。犛卽
犛字
集韻一沃犛用牛也。通作服。二說可補許書之闕。今北
方人猶謂裝鞍曰犛馬。讀若備。

釋哀

易謙象君子以裒多益寡釋文曰裒鄭荀董蜀才作掇云取也字書作掇廣雅云掇減案玉篇手部掇引說文曰引聚也詩曰原隰掇矣今詩作裒毛傳裒聚也爾雅釋詁裒聚也釋文云裒本或作掇是裒掇字通廣雅卷一釋詁掇取也與鄭荀董蜀才易義合掇訓聚又訓取取聚字亦通萃卦聚以正也荀本聚作取是也陸又云字書作掇者玉篇掇引易曰君子以掇多益寡掇猶減也本亦作裒與廣雅義合

璿璣旋機辨

宋本太平御覽二十九卷引尚書大傳曰旋璣者何也傳曰旋者還也璣者幾也微也玩傳訓則璣當爲機从木寫誤从玉隸釋堯廟碑據旋機之政周公禮殿記旋機離常此漢人所引是今文尚書作旋機也宋本禮記曲禮檀弓正義並引春秋運斗樞云北斗七星第二旋第三機廣雅釋天二爲旋三爲機史記天官書索隱引春秋緯機作璣非字丛从木史記天官書漢書天文志皆云北斗七星所謂旋璣玉衡以齊七政其說與春秋緯合蓋今文家言璣亦當爲機今本史記漢書从王者傳寫改變非其舊也

史記五帝本紀載堯典作璿璣集解正義引鄭注天官書索隱引尙書及馬鄭注並同宋書天文志引虞書作璇璣隋書天文志引虞書作璇璣引馬注作璿璣鄭注云皆以玉爲之王弼周易畧例故處璇璣以觀天運周易音義璇又作旋璣又作機魏志文帝紀注魏王上書曰上觀璿璣尔疋釋詁郭注引書曰在璿璣玉衡尔疋音義璿音旋又作璇璣無音是郭亦作機尙書音義璿音旋璣字無音是陸所見鄭本作機蓋古文尙書作璇機東晉孔傳尙書作璿璣史記魏志隋書及王弼郭璞所引皆本作璇機淺人反據孔傳本改之爲璿璣不得

謂唐人始改機從玉也。文選顏延年宋文皇帝元皇后
哀策文曰：仰陟天璣。李善注：天璣，喻帝位也。尚書考靈
耀曰：璿璣玉衡，尚書爲此璣。曹植秋胡行曰：歌以永言。
大魏承天璣。然璣與機同也。壽祺案：璿璣玉衡四字，尚
書本文。李善何以舍經而引緯？考毛詩思文正義引尚
書旋機鈐，是尚書緯依今文作旋機，不作璿璣。攷靈曜
同是書緯，理應一致。文選注作璿璣者，傳寫相涉而誤。
李善欲明璣機同字，故先引書緯旋機下云：尚書爲此
璣。正謂孔傳尚書从玉之璣，與書緯从木之機異。注中
此字指顏文仰陟天璣而言，明璣字本尚書也。下又引

曹植詩則明天璣二字所本也文選沈休文齊安陸昭王碑文慮深求瘼善注引毛詩曰求民之莫班固漢書

引詩而為此瘼尔疋曰瘼病也案李上言毛詩作莫本

亦誤下言漢書引為此瘼以證碑文瘼字从疋此者此

碑文也與哀策文注義例正同凡唐人引尚書及唐石

經尚書皆作璿璣李善注文選運命論亦引尚書作璇

璣可證李善所見尚書不作从木之機也段君若膺乃謂

選注當云尚書為此機不思選注上文並無从木機字

如段氏言則注所謂此機者前何所承耶後漢書安帝紀永初二年

詔曰據璇機玉衡以齊七政李固傳璇璣不平魏受禪表上在璿機宋書天文志引鄭注作璇機文選運命論

注引馬注作旋璣引鄭注又作機此
數條古今文多參錯蓋亦傳寫之失


釋敲

說文支部敲棄也从支鬲聲周書以爲討詩云無我敲
兮壽祺案尙書周書無討字或曰討乃譌之壞字敲市
流切卽古譌字無逸譌張爲幻是也然說文言部予部
兩引周書毋或譌張爲幻不言古文作敲則或說非也
周書當爲虞書字之譌謂虞書臬陶謨天討有梟之討
古文以敲代之聲近假借也古者刑人於市與衆棄之
討之訓棄其義亦合榻榻揭皆鬲聲禮意皆壽聲譌敲
聲今並讀與討近府紂守肘耐皆从寸並讀與鬲近毛
詩小弁怒焉如擣釋文擣本或作擣韓詩作府此聲轉

通借之證

𠂔字證

吾師儀徵阮侍郎鐘鼎釋文曰𠂔與𠂔同爲畫績之形
𠂔形象斧明矣𠂔爲兩巳相背巳何物耶蓋亞乃兩弓
相背之形言兩巳者訛也漢書韋賢傳師古注曰紱畫
爲亞亞古弗字也師古此說必有師傳經傳中彌佛弗每
相通假音亦近轉凡鐘鼎文作亞者乃輔屨二弓之象
正是古彌字亦卽是弗字𠂔乃繡亞於裳故从襪義又
屬後起壽祺謹案說文弟十二ノ右屨也ノ左屨也从
反人讀與弟同弗橋也从人从ノ从韋省𠂔彌也从二
弓彌輔也重也从𠂔丙聲𠂔𠂔或如此𠂔𠂔古文是

則人者弓檄之形也弗字从弓从人从人者弓弩在檄有輔戾之象弼字从弓古文作亦是二弓輔戾義與弗同故古弗弼相通玉篇人部弗下云亞古文此非顧野王孫強所能識其弗下引說文橋也之訓則古文作亞必本說文今說文弗下無此言而乃有从韋省之作語師說弗字明是从弓若从韋則不知所省無以下筆蓋說文脫誤失其舊矣漢書韋賢傳黼衣朱紱師古注黼衣畫爲斧形朱紱爲朱裳畫爲亞文也亞古弗字也故因謂之紱字又作黻其音同聲此亦非師古所能識當卽本之玉篇否則出於應劭服虔等漢書音義耳但

黻乃繡裳師古以爲畫猶有疑焉晉書與服志乘載韜

以黻繡上爲亞字

今本晉書誤黻字爲黼據古今韻會引改

此亦在小顏前

似可證黻之爲繡亞也集韻類篇古今韻會並云弗古作亞蓋皆祖玉篇班固白虎通謂黻譬君臣可不相濟見善改惡孫炎注尔疋釋言謂黻刺繡爲已字相背以青黑線繡杜預注左氏桓二年傳郭璞注尔疋釋言僞孔安國注尙書益稷並謂黻爲兩已相背則此字傳譌已久不知黻之爲亞也顧野王丁度司馬溫公黃公紹知亞爲弗之古文而不知其卽黻字也顏師古知弗亞黻之同字而不知其爲兩已相背之象也近嘉定錢獻

之知亞爲蔽之古字而謂兩已相背取蔽冕相繼之義則亦不知亞之爲兩弓非兩已也說文弗訓矯也不正也而不詳弓檄輔戾之說則莫明弗爲从弓之字也金壇段君若膺改說文注之矯爲矯謂揉箭箝也釋彌爲弓必有輔而後正曰檄曰榜曰秘曰閑皆是物也所以輔弓弩以定其體此於从弓之義得之矣而从韋之說猶曲爲傳會又未及亞蔽之通假則莫明蔽爲會意諧聲之旨也白吾師說出疏通貫注乃令千古昭若發蒙其有功經學甚鉅鐘鼎文作亞者宋王復齋鐘鼎款識商亞木父丁爵而外山左金石志載乾隆中頤闕里周

範銅器十事有亞尊銘作亞字其下正箸弓形薛尚功

鐘鼎款識卷十二周器有弜角弜角原作雙弓角銘曰弜作祖

乙弜旁作兩册又有亞字中作子立戈釋文云右銘中

作雙弓者弜字也玉篇音渠良切彊也作器者之名也

蓋弜為祖乙作此器耳銘有祖乙字當為商器旁作兩册亦箸人

君册命之意薛氏以弜為作器者之名非也弜亞皆象

形以旌武正類亞尊之製古器銘上象形下即言作某

器者若子執刃作父已寶尊彝薛氏鐘鼎款識卷二子立戈作母

乙卷三瞿犧牛兩册祖下同上孫執刃作祖乙寶彝同上

此類多矣又商器父丙卣銘如弓形并手執二矢卷三弓

壺以弓銘之卷四亦與亞尊弔角同意

玼珠

說文弟一玉部玼珠也从玉比聲宋宏云淮水中出玼珠玼珠之有聲者重文蠙夏書玼从虫賓壽祺案宋宏從孫登治歐陽尙書宏蓋亦爲今學其所言卽尙書說也說文弟十三糸部紕讀若禹貢玼珠許君明著夏書作蠙是古文也此復引禹貢作玼則係今文無疑陸德明經典釋文禹貢音義蠙字又作蚘韋昭薄迷反蚌也陸引韋說蓋出漢書音義蚘乃玼之誤今漢書地理志仍作蠙顏注云字或作玼地理志多用古文字必作蠙韋解玼字蓋以今文異字疊見注中非漢志本文也史

記索隱亦云螾一作玼並步兮反史記多用今文作玼者當是舊本

竹箭

史記夏本紀載禹貢曰竹箭既布又曰瑤琨竹箭壽祺
案尙書禹貢無竹箭字或謂卽篠簜太史公以訓詁代
經文也然史記此篇所紀九州貢物無有易以訓詁者
不應於篠簜二字獨變蓋今文尙書篠簜必作竹箭太
史公據而書之如便在伏物五帝紀索隱引尙書大傳曰便在伏物太史公據之
而書曰柳谷徐廣所見一本之異說文弟六上木部櫓木也从木
晉聲書曰竹箭如櫓陽湖孫淵如謂說文言櫓讀如禹
貢竹箭之箭然孫亦不知爲今文尙書且說文言讀若
亦無有作讀如者竊疑說文此注或有脫誤當作讀若

書曰竹箭六字。蓋節引今文禹貢之辭與弟十三糸部
紕讀若禹貢玼珠爲一例。儀禮大射儀綴諸箭。鄭注古
文箭爲晉。周禮職方氏其利金錫竹箭。注箭筱也。故書
箭爲晉。杜子春云。晉當爲箭。書亦或爲箭。吳越春秋晉
竹十廋。晉竹卽箭竹也。足證古箭晉同音。

曰圍

毛詩齊風箋云古文尙書以弟爲圍孔氏正義曰洪範
稽疑論卜兆有五曰圍圍者色澤光明蓋古文作弟今
文作圍賈逵以今文校之定以爲圍故鄭依賈氏所奏
從定爲圍於古文則爲弟故云古文尙書以弟爲圍今
定本云梯古文尙書以爲圍更無弟字義得並通壽祺
案正義說是也鄭箋言古文尙書以弟爲圍者謂古文
以弟字代圍字凡漢人訓詁直言古文某爲某者上某
乃今文下某乃古文鄭君儀禮士冠禮注古文闌爲槩
闌爲蹙此其例其言古文以某爲某者上某乃古文下

某乃今文謂以某字當某字說文弟七上鼎从貞省聲

古文以貞爲鼎籀文以鼎爲貞

小徐繫傳本如是大徐本但云籀文以鼎爲貞

字此與詩箋同一句法又說文巧古文以爲亏字又以

爲巧字正古文以爲詩大雅字又以爲足字吳古文以

爲澤字山古文以爲艸字取古文以爲賢字皆其例正

義所謂定本者顏師古奉詔刊定之本其文云弟古文

尚書以爲圉八字詞意尤明曉史記宋世家作曰涕涕

又弟之假借此子長援用古文若肇十有二州

五帝本紀載堯

典今文肇作兆

見尚書大傳

潘家導濬夏本紀載禹貢說文弟十一水部濬重文濬古文从養

思曰睿

宋微子世家載洪範今文作睿見尚書大傳

不離于咎

同上尚書大傳作不麗

之比皆古文也。孔冲遠必知鄭依賈逵所奏以今文從定爲圉者。逵受詔撰歐陽大小夏侯尙書古文尙書同異集爲三卷。隨書經籍志雖不存其目而有後漢侍中賈逵集一卷。尙書正義云百篇之目。鄭依賈氏所奏別錄爲次。又云賈逵奏尙書疏流爲鳥是奏上之疏載在集中。孔親見之。故每據以爲說。安得舛誤。賈定弟爲圉猶定雕爲鳥。皆從今尙書。史記周本紀索隱曰按今文大誓流爲鵬雕鷺鳥也馬融云明武王能伐紂鄭元云鳥是孝鳥言武王能終父業亦各隨文而解也壽祺案索隱誤以馬鄭所注大誓爲今文然據此知馬依古文作雕鄭依賈逵所奏讀雕爲鳥思文正義引鄭尙書注雕當爲雅雅鳥也此鄭從今文說故毛詩思文箋引書然於經不改雕而改弟者弟曰火流爲鳥此今文也

則字奇而義迂不如今文作圉爲順賈逵奏定尙書必

已改弟爲圉鄭君因之故詩齊風正義史記周本紀集

解索隱引鄭本尙書周禮太卜注引洪範並同作圉依賈所

定从今尙書也說文弟六口部引商書曰圉句圉者升

雲半有半無圉者以下釋書之詞當卽本其師賈侍中

說定从今尙書也許君及馬鄭所見尙書本閒亦古今

互異擇善而從說文旁救僇功弟八人部旁速辱功弟

從部鳥獸毳弟八毛部鳥獸褰毛弟三菱部濬弟距川

弟十一容畎澮距川弟十一谷部容弟惟箇輅柏弟

川部首弟惟箇輅弟惟箇輅弟惟箇輅弟惟箇輅弟

木部惟箇輅弟惟箇輅弟惟箇輅弟惟箇輅弟惟箇輅弟

枯下

惟箇輅弟惟箇輅弟惟箇輅弟惟箇輅弟惟箇輅弟

文籀古文籀

蟻珠弟蟻珠弟蟻珠弟蟻珠弟蟻珠弟

第十三系部紐
讀若禹貢玼珠

第七引商書曰若

第六木部藏引商書
曰若顛木之有𣎵樹

又弟一示部引虞書曰至于岱宗柴禱古文柴

第七月部引周書曰哉生霸冒古文霸弟一王部引禹貢維州球珎琅玕琕古文珎弟十三土部引尚書曰宅

馬氏尙書傳黎民祖飢

音洪
義範

皆同今文鄭君周禮縫人注引

度西曰桺穀大司樂注引教育子地官序官注引訓五

品皆用今文此如周官故書經杜子春鄭興父子改讀

著至康成時傳本承仍往往已改從其所讀之字所謂

二三君子其所變易灼然如晦之見明康成注儀禮或

从今文或从古文皆擇義強者從之然則尙書弟改爲
圉何足疑乎段君若膺執史記用今文之說乃謂今文
尙書作梯古文尙書作圉詩箋梯爲圉之上傳寫妄增
以字其言無據又謂逵撰同異未嘗或从古或从今又
謂逵書唐初已不存孔氏臆爲之說似過於自信矣

釋侑張

尙書無逸民無或胥譎張爲幻說文言部予部兩引周書皆無民字胥字爾雅注及一切經音義三引同今本說文有者疑唐以後所增也譎本訓訓此假借字正字作侑爾雅釋訓侑張誑也郭注引書曰無或侑張爲幻幻惑欺誑人者毛詩陳風防有鵲巢誰侑予美傳侑張誑也據尔疋釋訓也侑亦通作侏文選劉越石詩注引揚雄國三老箴姦宄侏張古舟聲朱聲同也侑亦通作輶尙書釋文引馬本如此漢書敘傳燕蓋譎張如淳曰譎音輶此據馬融本尙書也侑亦作侑爾雅釋文載或

本如此古舟周通考工記作舟以行水故書舟作周是也。誑者以術自掩而掩人故倂張又訓廕蔽說文倂有廕蔽也从人舟聲詩曰誰倂予美說文解詩與毛傳異或取之三家也。誑者多以詐力相脅故倂張又訓彊梁後漢書孝仁董皇后紀女今輶張李賢注輶張猶彊梁也。誑者易搖衆心故倂張又訓驚懼文選劉越石答盧諝詩序自頃輶張張注驚懼之貌也數者皆義之相生而相近者也。古人美惡不嫌同辭倂張又皆訓大鄭注周禮甸視云稠讀如伏誅之誅今侏大字也。尙書大傳曰辟雍倂張蓋言大也倂張又與陽狂同義論語釋父

曰朱張鄭作侏張云音陟留反明郝敬曰朱張卽壽張
謂陽狂也曰逸民曰夷逸曰朱張三者品其目曰夷齊
仲惠連五者舉其人也郝氏發明鄭讀得之

釋鴟義

尙書呂刑罔不寇賊鴟義姦宄奪攘矯虔潛夫論述赦篇其民乃罔不寇賊消義姦宄奪攘卽引此經而鴟義作消義蓋今文之異其說則未詳陸氏釋文引馬融曰鴟輕也此解未確僞孔傳云爲鴟梟之義尤不辭正義引鄭康成云盜賊狀如鴟梟鈔掠良善劫奪人物其意顯矣而義字不知云何或讀義作儀解爲儀狀以合鄭注狀如鴟梟之語亦曲說案大戴禮孔子三朝記千乘篇言民之不刑有八事云作於財賄六畜五穀曰盜誘居室家有君子曰義子女專曰妖飭五兵及木石曰賊

以中情出小曰閒大曰講孔檢討廣森利辭以亂屬曰

讒以財投長曰貸貸讀曰貢誘居室家有君子卽鄭所謂鈔

畧良善劫奪人物三朝記之曰義正與呂刑鴟義之義

同滅義曰義猶之謂治曰亂謂置曰廢皆語相反賊則

寇賊也盜義妖則鴟義也閒構則姦宄也讒貢則奪攘

矯虔也賈誓無敢寇攘踰垣牆竊馬牛誘臣妾汝則有

常刑此寇賊鴟義之罪也誘臣妾卽誘居室家有君子

及子女專之事尙書大傳男女不以義交者其刑宮今

文尙書消義其謂男女不以義交者與寇賊於周禮八

成爲邦賊鴟義於八成爲邦盜姦宄於八成爲邦汨邦

謀邦朋奪攘矯虔皆指官吏於八成為犯邦令矯邦令
為邦誣

泮瀾辨

漢書地理志引鄆風曰河水泮泮師古曰今鄆詩無此句盧學士文昭云泮泮疑字誤或本作泮字从水苜聲卽新臺之瀾瀾也泮字見廣雅釋止今亦譌爲泮班氏明引鄆詩必非逸句可知或云影宋本廣雅作泮泮字集韻入十九侯盧讀作泮非也壽祺案玉篇水部瀾深也盛也泮亦瀾字集韻五紙瀾水盛貌或作瀾泮類篇十一中水部瀾或作泮祿比則盧氏謂泮泮卽瀾瀾長確但不當引廣雅以亂之耳或說改泮爲泮則大誤集韻類篇雖引廣雅泮泮厓也然玉篇廣韻皆無泮字高

郵王氏廣雅疏證以爲涖字之誤是也且使廣雅作涖其訓爲厓豈可以當詩之瀾瀾乎不審甚矣

釋體弁

毛詩衛風淇奧會弁如星釋文曰會古外反說文作體
壽祺案說文弟四下骨部體骨擿之可會髮者从骨會
聲詩曰體弁如星周禮夏官弁師王之皮弁會五采鄭
讀鄭注故書會作體鄭司農云讀如馬會之會謂以五
采束髮也士喪禮曰檜用組乃笄檜讀與體同書之異
耳說曰以組束髮乃箸笄謂之檜沛國人謂反紒爲體
據此先鄭說周禮故書體字與許氏引詩體字義相近
先鄭又引儀禮之檜今儀禮作髻鄭注云古文作括會
也體也檜也髻也括也皆束髮之義體古字髻今字檜

借字會聲省字毛詩傳曰弁皮弁所以會髮所以會髮
之上當有一會字或本作體字疑今脫其讀音訓義亦
與叔重仲師同康成注周禮云會讀如大會之會會縫
中也引詩云會弁如星箋詩云會謂弁之縫中皆不从
許及先鄭說蓋本三家詩

釋璫

毛詩王風大車。毳衣如璫。釋文曰。如璫音門。頰也。說文作璫。云以毳爲頰也。解此璫云。玉頰色也。禾之赤苗謂之璫。舊从木誤。今據宋玉色如之。壽祺謹案。說文毛部璫。以毳爲綱。色如璫。故謂之璫。璫。禾之赤苗也。从毛。菡聲。詩曰。毳衣如璫。又王部。璫。玉經色也。从王。菡聲。禾之赤苗。謂之璫。言璫玉色如之。璫雖與璫。璫音同。而字之形體。與璫。璫義類不相附。說文三璫字。皆當依釋文所引。定作璫。乃合。集韻二十三魂。璫。說文赤苗嘉穀也。或作璫。類篇亦云。璫。赤苗嘉穀。是璫與璫同。集韻類篇必

有所本。說文於禾之赤苗必作穊字。乃與上下穊穊二字形義相傳。禾部無穊字。蓋在艸部。變下重文而今失之。玉篇穊字。引說文與今本同。則脫誤久矣。

釋𦘔

毛詩唐風杕杜獨行𦘔𦘔釋文曰𦘔𦘔本亦作𦘔又作
𦘔求營反壽祺案毛傳𦘔𦘔無所依也說文弟四上目
部𦘔驚視也詩曰獨行𦘔𦘔與毛異訓弟十一下丑部
𦘔回飛疾也从从小徐本亦非詩本義弟二上辵部𦘔獨行也
从辵勺聲讀若𦘔𦘔𦘔𦘔同聲同義蓋卽獨行𦘔𦘔之異
文此三家詩也𦘔爲正字𦘔𦘔皆假借字類篇𦘔巨旬
切獨行貌又渠營切說文回疾也是通𦘔於𦘔集韻十
四清迥重文迥或作旬

釋栗烈

毛詩南風七月二之日栗烈釋文曰栗烈並如字說文作颶颶壽祺案說文第十三下風部颶風雨暴疾也从風利聲讀若栗颶列聲也从風列聲讀若列二字下皆不引詩釋文舉此者蓋以讀若同則義亦得通也欠部渾波後次以凜瀨二字俱訓寒也曹風下泉小雅大東正義文選嘯賦注並引七月作二之日栗冽此與陸本異大東正義又引說文冽寒貌故字从氷今說文脫冽存瀨臧氏琳經義雜記曰古冽瀨同聲說文蓋以冽爲正字瀨爲重文壽祺案凜冽凜瀨皆栗烈之異文玉篇

溧下云溧冽寒貌當本說文栗烈一聲之轉亦互爲訓
小雅四月冬日烈烈箋云烈烈猶栗栗也經義雜記謂
今七月誤作栗烈當從大東正義所引作栗冽失之

釋嘽𩚑

毛詩小雅四牡嘽嘽駱馬。說文口部嘽喘息也。从口單聲。詩曰嘽嘽駱馬。此毛詩也。𠂔部𩚑馬病也。从𠂔多聲。詩曰𩚑𩚑駱馬。此三家詩也。玉篇𩚑吐安切。力極也。詩曰𩚑𩚑駱馬。亦爲嘽。廣韻𩚑託何切。又叨丹切。嘽𩚑一聲之轉。漢書敘傳述西域傳云。王師驪驪。此常武篇王旅嘽嘽之異文。蓋三家詩。鄭氏注曰盛也。師古注引小雅四牡之詩曰四牡駢駢。驪驪駱馬。驪驪喘息之貌。音它丹反。案說文手部揮讀若行遲。驪驪然則驪驪本訓行遲。顏注喘息與嘽同訓。疑亦本三家詩之異文。是嘽

疾驪音義通也。瘳驪。驪。鼃皆單聲讀。並與多聲近。漢書地理志。孟康注。鄆音多。沛郡縣名是也。桓讀如和。獻讀爲犧。小雅桑扈。以那韻。翰憲難。隔桑以難韻。阿何。衛風竹竿。以儺韻。左瑳。陳風東門之枌。以原韻。麻娑。此皆古音近轉之證。

釋不俟

毛詩采薇我行不來爾雅釋訓不俟不來也陸氏釋文云不賴宜從來本今作俟字武進臧庸曰爾雅釋文作不賴說文引詩亦作不賴是詩本作我行不賴故釋訓以不來釋不賴也今毛詩作來爾雅作俟皆失其舊壽祺案爾雅釋詩之字多與毛異與三家詩合未可專執毛以繩之攷毛詩古文多假借韓詩今文多以詁訓之字代經然如陳風防有鵲巢誰侑予美釋文引韓詩作誰侑予媿媿美也周頌思文無此疆爾界文選魏都賦注引韓詩章句介界也是釋思文篇之文

唐石經此詩初刻界後改

刻介依韓詩也

此則毛今而韓古釋訓不通不蹟也釋文云通古述字釋言通述也不通卽邶風日月之報我不術此亦爾雅古而毛詩今然則采薇之我行不來者毛詩用本字也傳云來至也箋云來猶反也據家曰來毛鄭原本作來甚明豈得謂失其舊乎我行不來者三家詩用借字也爾雅據三家詩以不來釋不來聲近爲訓說文來部傳詩曰不來卽爾雅之文重文俟云來或从彳今隸省作俟俟訓大義與至反之訓違故謂爾雅作俟之失舊是也謂毛詩由後人改來爲來蓋不然矣

釋鷓

毛詩召南采蘋于以湘之維錡及釜漢書郊祀志注師古引韓詩采蘋曰于以鷓之維錡及釜詩祺案說文無鷓字弟三下鬲部鷓煮也从鬲羊聲玉篇鷓式羊切亦作鷓鷓同上廣韻雞亦鷓集韻十陽鷓或作鷓鷓類篇鷓或作鷓鷓是說文鷓字卽韓詩于以鷓之之異文也

釋春𠂔

毛詩大雅生民或春或揄或簸或蹂釋文曰揄音由又以朱反抒白也說文作𠂔弋紹反壽祺案說文弟七上𠂔部𠂔抒白也从爪𠂔聲詩曰或簸或𠂔抗𠂔或从手从宀𠂔𠂔或从𠂔宀毛傳揄抒白也與許義合據釋文但云揄說文作𠂔則許君引詩上不應作或簸今本說文誤詩或簸或蹂毛傳或簸穰者或蹂黍者箋云蹂之言潤也春而抒出之簸之又潤溼之將復春之趣於鑿也是𠂔與春爲類蹂與簸爲類鄭康成注儀禮有司徹周禮春人兩引或春或抗可證三家詩亦然

周號辨

白虎通號篇云詩曰命此文王于周于京此改號爲周易邑爲京也案孟子文王生于岐周吳越春秋吳太伯傳古公去邠踰梁山而處岐周竹書紀年武乙元年邠遷于岐周三年命周公亶父賜以岐邑毛詩大雅緜序曰緜文王之興本由太王也其二章曰率西水滸至于岐下其三章曰周原膺膺鄭箋廣平曰原周之原地在岐山之南漢書地理志右扶風邑岐山西北中水鄉周太王所邑酈道元水經注渭水篇岐水逕岐山西又屈周城南城在岐山之陽而近西所謂居岐之陽也又歷

周原下北則中水鄉成周聚故有周號然則周之爲號始自太王詩緜篇有顯據白虎通以爲文王改號非也史記周本紀集解引徐廣曰岐在扶風美陽西北其南有周原皇甫謐云邑於周地故始改國曰周張守節正義亦曰太王居周原因號曰周續漢書郡國志美陽有岐山有周城括地志故周城一名美陽城在雍州武功西北二十五里卽太王城也括地志文見史記周本紀正義史記魯周公世家集解引譙周曰以太王所居周地爲其采邑故謂周公凡此皆足明改號爲周不始文王矣詩篤公劉京師之野

後世所謂京師蓋起於此白虎通以文王始易邑爲京亦非

𨇖音辨

說文弟三𨇖部。𨇖解云聲也。氣出頭上。从𨇖从頁。頁首也。大徐音許嬌切。小徐音欣消反。莊子駢拇篇釋文。𨇖。𨇖許嬌反。又五羔反。字林云聲也。玉篇。𨇖許朝切。喧譁也。又五高切。廣韻。四宵。𨇖喧也。許嬌切。又五刀切。集韻。四宵。𨇖聲也。六豪。𨇖喧也。一曰地名。類篇。𨇖虛嬌切。又牛刀切。𨇖也。一曰地名。案此字說文止一音。字林以下始有兩音。而訓喧義同。或據說文。謂訓聲者當讀若枵。訓地名官名者乃讀五刀反。如書序仲丁遷于𨇖。史記。𨇖作𨇖。集解引皇甫謐曰。或云河南敖倉是。索隱曰。𨇖

亦作蹻並音敖漢書五行志以莫敖爲莫蹻是也然毛詩車攻選徒蹻蹻與薄狩于敖韻毛傳蹻蹻聲也正同說文陸氏釋文蹻五刀反亦許嬌反陸於此先載五刀之音則喧蹻之義亦讀若敖審矣十月之交讒口翬翬韓詩作瞽瞍板聽我蹻蹻毛傳蹻蹻猶瞽瞍也周禮銜枚氏掌司蹻釋文蹻五羔反左氏昭三年傳湫隘囂塵釋文蹻許嬌反一音五高反皆讀如敖之證或言失之不放嘉慶己未冬聞翁覃谿先生磨勘雲南鄉試卷有以塵蹻押入豪韻者翁遠以奸韻議斥其人竟罰停禮部試

釋徂齊

詩大雅烝民仲山甫徂齊毛傳無說上章城彼東方毛傳東方齊也義已具此漢書杜欽傳注鄧展曰詩言仲山甫徂齊者言銜命往治齊城郭也韓詩以爲封于齊爾雅釋詁齊疾也郭注引詩曰仲山甫徂齊義與毛韓異蓋用魯說

詁言詁言辨

詩大雅抑釋文曰告之詁言戶快反說文作詁云詁故
言也壽祺案據釋文則陸氏所見說文詁下當引詩告
之詁言其字與毛鄭異毛傳詁言古之善言也許云詁
故言也其義則同今說文言部詁訓故言也訓字上屬篆文詁字
為引詩詁訓从小徐本及集韻類篇引大徐本詩下有曰字非詁合會善言也
引傳曰告之詁言皆失其舊竊謂說文詁下引告之詁
言不傳詩而傳則明非引詩疑引春秋傳曰著之詁
言左氏文六年傳而誤涉下文告之訓典又或引春秋傳曰不
知詁言左氏文十八傳而誤涉下文告之則頑遂與詩辭相亂

傳寫者又脫春秋二字也其引詩告之詰言自在詰下
當據釋文定之

釋來薺

周頌思文貽我來牟。陸氏釋文曰。貽我字又作詒。同遺也。來牟並如字。字書作薺。音同牟。字或作藜。壽祺案。韓詩作貽。我嘉藜。文選典引注引韓詩曰。貽我嘉藜。薛君曰。藜大麥也。魯詩作餽。我釐薺。漢書楚元王傳。劉向。上封事曰。周頌曰。餽我釐薺。釐薺麥也。始自天降。毛詩作詒。我來薺。說文第五下。來。周所受瑞麥。來薺。一來二縫。象芒束之形。天所來也。故爲行來之來。詩曰。詒我來薺。一來二縫。語不可通。思文正義引說文作一麥二牟。象其芒刺之形。當據以訂正。牟。說文云。牾也。讀若縫。二牟。

者謂二稌岐出相悟也。今毛詩詒作貽。通麴作牟。省借字。趙岐孟子章句引詩云貽我來麴。趙注引詩皆出三家。此不應與許引毛詩同。攷周頌釋文引孟子注。注字舊脫

今云藜大麥也。疑趙氏本引韓詩作嘉藜。今作來麴者。

後人依毛詩妄改之也。來字又作稌。說文禾部。稌齊謂

麥曰稌。稌蒼稌。稌麴之麥。一麥二稌。周受此瑞麥。廣韻十六

哈引埤蒼張揖所撰。其說與說文合。而字與魯韓毛異。疑

出齊詩來。或又作麴。廣雅釋艸。大麥麴也。小麥麴也。集

韻十六。哈然重文。麴麴云。稌或作麴。亦從二來。通作釐。

類篇同

釋不吳不敖

毛詩周頌絲衣不吳不敖毛傳曰吳譁也陸氏釋文曰不吳舊如字譁也說文作吳吳大言也何承天云吳字誤當爲吳從口下大故魚之大口者名吳胡化反此音恐驚俗也音話武進臧庸曰陸云不吳說文作吳者對下何承天欲改作吳而云然也今本臧釋文大書不吳因改說文作吳吳大言也兩吳字爲吳誤甚壽祺案孔氏絲衣正義曰人自娛樂必謹譁爲聲故以娛爲譁也定本娛作吳據正義是孔所據毛鄭舊本作不娛陸氏及定本作不吳史記武帝紀引詩作不虞不驚此三家

詩史記索隱曰毛詩傳云吳譁也姚氏按何承天云此

虞

虞當依釋文引作吳

當爲吳音洪霸反說文以吳一曰

舊譌吳一口今

據說文改正

大言也此作虞爲與吳聲相近故假借也或者

本文借此虞爲歡娛字也

索隱單行本此文多譌外惟引說文吳字不誤今據諸本

參定之

案古虞娛吳皆通用鄭風出其東門聊可與娛釋

文娛本亦作虞虞仲或作吳仲是也史記封禪書仍作

不吳者後人依定本改之漢郊祀志及後漢書戴就傳

注引作不吳者後人又依何承天語改之耳魯頌泮水

不吳不揚毛無傳箋云吳譁也正義曰鄭讀不吳爲不

娛人自娛樂必謹譁爲聲故以娛爲譁也據此則泮水

篇孔本經作不吳从鄭讀作不娛與絲衣篇經文竟作
不娛者異然毛於泮水無傳足知字同絲衣義具彼傳
明矣孔氏於周頌作娛魯頌作吳兩岐非也泮水釋文
云不吳鄭如字王音誤可與絲衣互證

釋采

毛詩商頌殷武采入其阻說文弟七下网部粟屈行也从网米聲詩曰采入其阻采粟或从占壽祺案毛詩音義采入說文作粟從网米云冒也今說文作屈行也與陸氏引異繫傳無行字疑周字卽冒字形近誤耳今詩采卽或體函字而誤从冗也函从占占不成字小徐本作从貞省是

釋催

毛詩邶風北門室人交徧摧我釋文曰摧我或作催韓詩作誰就也說文人部催相擣也从人崔聲詩曰室人交徧催我宋本說文作相擣也非武進臧庸曰相擣也蓋相摧也之誤催摧同聲爲詁說文手部摧排也排擠也挫摧也摧擠也一曰折也是摧者排擠挫折之謂故說文以摧訓催壽祺案說文擣手摧也从手鬲聲是擣亦有推排擠挫之義催訓相擣與摧同意不必改擣爲摧

釋苟敬

儀禮燕禮記若與四方之賓燕則公迎之於大門內揖讓升賓爲苟敬席於阼階之西北面聘禮記亦云燕則上介爲賓賓爲苟敬鄭氏前注云苟且也假也言苟敬者賓賓主國所宜敬也後注云燕私樂之禮崇恩殺敬也苟敬者主人所以小敬也案經明言賓爲苟敬注以屬主君似違失況言敬則安可以言苟且斯不辭矣攷說文弟九上苟自亟敕也从芋省从包省从口口猶慎言也从芋與義善美同意苟古文芋不省大徐用朱翽反切音苟已力切此卽儀禮苟敬之字也禮旣聘而饗

進醴於賓君親獻燕則又宜獻焉故賓升堂辭讓欲以
臣禮燕於此自亟敕彌示恭敬也故敬字从敕許義甚
精說文艸部苟艸也朱音古厚切假借爲苟且字鄭以
苟敕之苟爲苟且之苟得無誤乎

釋鯪鮓

汲古閣說文鯪下鮓語爲鮓

說文魚部鯪鮓也周禮謂之鮓从魚恆聲鮓鮓鮓也从魚亢聲案鯪鮓亦作鯪鮓玉篇鮓說文鮓是也漢書司馬相如傳上林賦鯪鮓漸離注引李奇曰周洛曰鮓蜀曰鯪鮓出犂山穴中三月遡河上能度龍門之限則得爲龍矣文選此賦注亦引李奇說鯪鮓二字連文說文鮓下解甚明去鮓言鯪則不辭矣鯪下鮓也乃上屬篆文爲句許書多此讀例據李奇說知鯪鮓卽鮓之異名玉篇鯪鮓鮓也亦可證說文云周禮謂之鮓禮當爲鮓鯪當爲鮓字之誤也李奇說與許合說文鮓字解引周

禮春獻王鮪其下卽著鮪鮓文本相承傳寫遂謬

釋耐

禮記禮運故聖人耐以天下爲一家鄭注耐古能字傳
書世異古字時有存者則亦有今誤矣孔氏正義古者
犯罪以髡其髻謂之耐罪以不虧形體猶堪其事故謂
之耐後來能字乃借鼈三足爲能故書耐字悉作能或
有作耐字此及樂記是矣亦有誤不安寸直作而字則
易屯象云利建侯而不宣及劉向說苑能字皆爲而也
樂記故人不耐無樂樂不耐無形形而不爲道不耐無
亂鄭注耐古書能字後世變之此獨存焉古以能爲三
台字壽祺案說文弟九下而頰毛也耐罪不至髡也从

而从彡。重文耐。或从寸。諸法度字从寸。而𠂔耐三字聲義皆近。故古通。耐直作而者。古字省耳。孔冲遠以爲誤。不安。寸非也。漢書高帝紀。令郎中有罪。耐以上請之。應劭注。耐音若能。是以耐爲𠂔也。史記高祖功臣侯表。索隱曰。𠂔又音人。當爲女字之譌才反。字林以多鬚髮曰𠂔。是以𠂔爲而也。易利建侯而不宣。鄭讀而曰能。眇能視。跛能履。虞翻本。能作而。墨子尚賢下曰。使天下之爲善者可而勸也。爲暴者可而沮也。又曰。上可而利天。中可而利鬼。下可而利人。尚同中曰。聖王惟而審。以尚同。尚同下曰。義之可而爲政於天下也。又曰。諸侯可而治其國家。

君可而治其家非命下曰於此乎不而矯其耳目之欲
又曰禹之總德有之曰允不著惟天民不而葆淮南子
原道訓行柔而剛用弱而強轉化推移得一之道而以
少正多高誘注而能也案鄭君注易高氏注淮南皆從後世字以能代耐欲人易曉
是以而爲耐也尙書顧命其能而亂四方孔傳釋而爲
如雖亦古讀義頗迂回疑本作而亂讀曰耐校者或注
能字其旁後因誤屨入經文使能而二字重疊耳漢書
食貨志能風與旱鼂錯傳其性能寒其性能暑嚴助傳
不能其水土也趙充國傳漢馬不能冬西域傳不能飢
渴書耐悉作能此所謂後世變之

釋扶服

禮記凡民有喪扶服掾之漢書谷永傳引詩同扶服卽匍匐也左氏昭二十一年傳扶伏而擊之與扶服同近海宣周春撰十三經音畧辨服字不可讀如匍必上字爲匍下卽讀匍上字爲扶下仍讀服各就本音不可互更壽祺案左氏傳昭十二年奉壺飲水以蒲伏焉陸氏音義本又作匍匐蒲本亦作扶史記蘇秦傳嫂妾虵蒲服索隱曰蒲服卽匍匐並音蒲伏范曄傳膝行蒲服淮陰侯傳俛袴下蒲伏文選七發蒲伏連延藝文類聚三十九初學記十三並引湛方生盟文曰俯從詩人匍伏

之義。匍伏連文。其證多矣。周君得毋誤乎。漢書天文志。暑長爲潦。短爲旱。暑爲扶。顏注引鄭氏曰。扶當爲蟠。齊魯之間。聲如醕。醕扶聲近。左氏傳取人於萑苻之澤。陸氏音義。苻音蒲。晉書蒲洪孫堅。背有草付字。改姓苻。是扶有蒲音也。漢書東方朔傳。呼暑服虔云。暑音暴。鄧展云。瓜瓠之瓠。田蚡傳。諱服謝罪。晉灼云。服音瓠。考工記。不伏其輶。必縊其牛。鄭注。故書伏作偃。杜子春云。偃當爲伏。釋名第九。匍伏也。伏地行也。大遄盤經卷三十二。音義引字林。蘆蕒力何蒲柏反。是服讀如匍也。周君斷斷持字母反切。以律古音。力與錢曉徵段若膺諸家樹。

敵今卽舉此二字已窒而不可通若此其他豈勝辨乎
蓋由未明於古音近轉通借之理故也

釋祇多

祇多二字古相通用左氏襄二十九年傳祇見疏也正
義本祇作多云多見疏猶論語云多見其不知量也服
虔本作祇見疏解云祇適也晉宋杜本皆作多古人多
祇同音壽祺案毛詩車攻君子之車旣庶且多君子之
馬旣閑且馳卷阿矢詩不多惟以遂歌以多韻馳歌歌
讀如幾又哆趨諺哆移移侈侈移鄉侈夥侈侈夥夥
皆多聲此其證徐鉉疑移與多聲不相近何也

釋閣

爾雅釋宮杖長者謂之閣又曰所以止扉謂之閼郭注
門辟旁長槩也左傳曰高其閼閼長杖卽門槩也陸
氏釋文曰閼音宏本亦作閣音各郭注本無此字壽祺
案說文閣所以止扉者从門各聲義據爾雅則爾雅本
作閣者是也郭注卽以杖長之閣釋止扉之閣則字必
作閣不作閼陸謂郭注本無此字者謂無閼字也陸乃
從作閼之本何與春秋左氏傳襄三十一年杜預注閼
門也釋文曰爾雅本止扉之名或作閣字讀者因攷左
傳皆作各音案閼旣爲門閼亦爲門於文複沓杜之誤

在陸前然陸謂讀者因攷左傳皆作各音則賈逵服虔等舊本必作閨閣明矣郭注所引猶不失舊也

皙皙辨

說文白部皙人白色也日部皙昭晰明也从日折聲玉篇中晰之逝切皙瞞竝同上皙皙二字判然今經典相沿往往互亂且皙誤爲皙皙則字書所無不可用束著作之名晉書作皙俗皆讀若析文選補亡詩題下注引王隱晉書作皙以其字廣微推之作皙是也史記孔子弟子列傳有公皙哀潛夫論氏姓篇魯之公族有公析氏姬姓公皙哀是其後今家語作公析廣韻公字注作公皙其誤一也又史記孔子弟子傳曾箴字皙奚容箴字子皙狄黑字皙論語作曾點與箴同說文箴作𦔑解

曰雖皙而黑也从黑箴聲古人名黶字子皙許叔重言
如此而今本史記曾箴之字譌作皙漢白水碑又譌作
子哲幾於烏焉三寫矣

堂字辨

堂古通棠。詩秦風有紀有堂。白帖終南山條引作有杞。

有棠。蓋韓詩也。史記仲尼弟子列傳申堂字周。索隱本如此今

本史記作黨誤論語釋文引史記作申棠。隸續王政碑無申棠。

之欲。左氏定公五年傳夫槩王奔楚爲堂谿氏。亦見潛夫論氏

姓篇韓非子問田篇有堂谿公。後漢書儒林傳有堂谿典。

是其後。而吳越春秋闔閭內傳云。楚昭王封夫槩於棠。

谿。廣韻十一唐棠字注亦作棠谿氏左氏昭公二十年傳有棠君尙。而

風俗通云。堂楚邑大夫五尙爲之。其後氏焉。廣韻十一唐堂字注

引隸釋魯峻碑。棠棠忠惠令德孔嫺。棠棠卽堂堂也。國

策韓策云韓卒之利劍皆出於冥山棠谿楚詞九歌執
棠谿以剌蓬兮鹽鐵論論勇篇棠谿之鋌廣雅釋器作
堂谿皆其證也堂又與唐通堂谿典後漢書延篤傳作
唐谿典趙倉唐見韓詩外傳史記魏世家而漢書古今
人表作倉堂唐又與棠通爾雅釋木唐棣移說文木部
移棠棣也堂又與棖通申堂論語作申棖毛詩鄭風丰
俟我乎堂兮箋堂當爲棖鄭多據三家詩改讀堂棖一
聲之轉

釋諂

尔正釋諂疑也。郭注引左傳曰：天命不諂。明吳元恭陳深郎奎金本注末有音緇二字。案文選張平子西京賦：天命不諂。疇敢以渝。李善注引左氏傳子高曰：天命不諂。云諂與諂音義同。武進臧庸曰：諂當爲悞字之誤。水旁與心旁易亂也。壽祺攷尔正釋文本亦作悞。左氏昭二十六年傳：天道不諂。釋文本又作悞。昭二十七年傳：天命不悞久矣。杜陸兩釋諂悞皆云疑也。皆用雅詁。諂悞字通此其證。哀十七年傳：天命不諂。釋文本又作諂。此諂水旁作亦失之作諂者。杜預本作悞者。蓋賈逵

服虔本

洵旬辨

毛詩大雅桑柔苑彼桑柔其下侯旬正義引尔疋釋言
旬均也某氏引此詩李巡曰洵徧之均也案詩疏引釋
言據某氏本作旬又李巡本作洵同郭本陸氏尔疋釋
文洵郭音巡謝音荀臧輯尔疋漢注載某氏引詩亦作
洵字非

委佗辨

爾雅釋訓委委佗佗美也釋文曰委委諸儒本並作禕於宜反舍人云禕禕者心之美引詩云亦作禕佗佗本或作它字音徒河反顧舍人引詩釋云禕禕它它如山如河壽祺案陸氏述舍人引詩委作禕不及佗字下述顧舍人引詩禕禕它它者采顧野王爾雅音見釋文敘錄邵氏尔疋正義誤合兩舍人之言爲一竟刪去下文顧字失之不審臧氏輯尔疋漢注載舍人引詩亦依顧舍人並改佗字爲它非

萌蘭辨

尔疋釋訓萌萌在也釋文萌萌字或作蘭說文心部簡
簡簡存也从心簡省聲讀若簡案玉篇心部簡古限切
引說文云存也或作蘭又音萌艸部蘭莫晁切引尔疋
云存存蘭蘭在也蘭同上本或作萌是蘭與蘭同說文
卽據爾雅讀若簡之簡字恐誤玉篇蘭字尔疋又云
本或作萌謂郭本也

儻儻洄洄

尔疋釋訓儻儻洄洄惛也釋文儻儻字或作儻洄洄郭音韋音義云本或作惛字林惛重衣貌案說文惛不明也卽儻字也洄說文訓溯洄惛字林訓重衣貌皆非雅義惛疑惛之誤說文水部惛下流濁也从水圍聲與惛也之訓相近

釋詁

毛詩大雅抑篇。誨爾諄諄。釋文曰。諄字又作詵。說文埤
蒼並云。告曉之熟。爾雅釋訓。夢夢詵詵。亂也。郭注。皆闇
亂。此非詩義。禮記中庸鄭注。朏朏。讀如誨爾朏朏之朏。
朏朏。懇誠貌也。鄭義與雅訓異。與說文合。荀子哀公篇。
繆繆朏朏。其事不可循。楊倞注。朏與朏同。雜亂之貌。本
釋訓。

釋不通

尔正釋訓不通不蹟也。釋文不通。古述字。壽祺案尔正以不蹟釋不適當。引邶風報我不述句。而陸氏於不蹟下誤引沔水詩云念彼不蹟邵氏正義因謂以不蹟釋不蹟非。

坯音辨

尔疋釋山一成坯陸氏釋文曰坯或作伾備悲反又備
美反沈五窟反韋昭音髡壽祺案五窟反與坯音絕遠
尙書釋文伾徐扶眉反又敷眉反窟蓋眉字之誤韋昭
音當出漢書音義尙書釋文引作音髡尔疋釋文誤作
髡集韻因列此字引尔疋山一成曰髡眞重性馳繆也

釋窳窳

尔疋釋官東南隅謂之窳釋文窳烏叫反字林同鄭又音杳說文云深貌本或作窳又作窳同案說文宀部窳戶樞聲也室之東南隅从宀艮聲是許所見尔疋作東南隅謂之窳也穴部有窳云冥也从穴艮聲又有窳字云窳窳深篠貌从穴交聲皆不引爾雅陸氏本作窳又或本作窳窳皆通假字

釋髡梱

爾雅釋木髡梱郭注未詳案髡與椀頑梱與梱頤聲義皆相近說文木部椀梱木薪也从木完聲梱椀木未析也从木困聲髡部髡髮也从髡兀聲髡或从元頁部頑梱頭也

案梱當爲頤梱假借字

从頁元聲頤無髮也从頁困聲

說文之椀梱卽爾雅之髡梱木之梱者謂之椀亦謂之髡猶人之頤者謂之頑亦謂之髡爾雅髡梱皆假借字也周禮掌戮髡者使守積鄭司農云髡當作完漢書刑法志引作完者使守積禮記王制公家不畜刑人鄭注髡者使守積釋文髡本又作完徐戶官反是髡亦與完

通故借髡爲梳也左氏傳成十年鄭人立髡頑髡頑鼻
韻字

杻檣辨

尔定釋木杻檣釋文億字又作億說文云檣梓屬也案
今說文木部無杻有檣在杻檣二篆之間解云杻也又
有檣字在梓楸二篆之下解云梓屬陸氏不引檣訓而
引檣訓是所據說文本無檣篆知檣即檣也釋文字又
作億之億及引說文云檣之檣二字並當爲檣之譌考
工記弓人取幹之道檣次之先鄭讀檣如億萬之億此
擬其音不徑作億字也段若膺云說文檣篆淺人增之
注又譌杻爲杻不可通韻會云說文作檣今文作檣則
黃氏所據錯本未誤壽祺謂玉篇檣前亦出檣字在杻

櫝之間蓋後人據此以增說文

釋唐棣常棣

爾雅釋木唐棣移常棣棣郭注唐棣云今白移也似白楊江東呼夫移注常棣云今關西有棣樹子如櫻桃可食毛詩正義引舍人云唐棣一名移常棣一名棣是爲二木審矣案論語疏引陸璣云唐棣莫李也一名雀梅亦曰車下李大如李子可食爾雅疏引陸璣疏云常棣許慎曰白棣樹也如李而小如櫻桃正白又有赤棣樹亦似白棣子正赤亦如郁李而小齊民要術引詩義疏常棣其實似櫻桃莫李數說皆與郭畧同爾雅六月食鬱及薁毛傳薁夫移也此陸元恪所本小雅常棣毛傳

常棣棣也陸德明釋文云本或作常棣移上光庭兼明
書引孔氏論語解唐棣棣也疑爾雅舊本有作唐棣棣
常棣移者故陸孔所據如此今毛傳於何彼穠矣云唐
棣移也說文木部移棠棣也棣白棣也棠唐古通則與
舍人爾雅注合藝文類聚天移引韓詩大棣燕兄弟也
閔管蔡之失道夫移之華萼不焯焯王伯厚詩考引韓詩序同是徑
改常棣之字爲夫移與毛詩異

釋濯

周禮守桃鄭注云古文桃爲濯集韻桃古作禱案古音
兆翟相近故多相通鄭注尙書顧命云洮類爲濯澣衣
毛詩小雅大東桃桃公子說文引韓詩作嬈嬈爾雅釋
魚蜃小者桃釋文桃衆家本皆作濯韓非子外儲說右
第三十五延陵卓子乘蒼龍桃文之乘桃文當如桃花
此撥之類又云一曰延陵卓子乘蒼龍與翟文之乘翟
文卽桃文也淮南原道訓上出於霄霓之野高誘注霓
讀翟氏之翟皆聲近通借

釋卮

尔疋釋宮落時謂之卮釋文卮本或作𠂔同音侯廣雅云兩砌也案說文臣部𠂔廣臣也从臣已聲𠂔古文𠂔𠂔本訓廣臣假借以爲落時之名猶之梁上短柱謂之侏儒室東北隅謂之宦

說文宦養也陸德明云與周易頤卦義同

梁謂之楣

皆取象人身

說文桴眉棟也眉棟卽鄉飲酒禮之楣張載注魯靈光殿賦亦云楣梁是楣楣同也

釋黃鳥

周書王會解方煬以皇鳥孔晁注皇鳥配於鳳者也案爾雅皇黃鳥郭注云俗呼黃離留亦名搏黍攷詩屢言黃鳥不聞其名皇也爾雅此下云倉庚商庚又云倉庚鶯黃也說文離黃倉庚也毛詩疏引陸璣疏云黃鳥黃離留也一名倉庚一名鶯訓義皆同惟方言云離黃自關而東謂之倉庚自關而西謂之鸛黃或謂之皇鳥此郭注所本也然爾雅云鸛鳳其雌皇說文鸛鳥也其雌皇一曰鳳皇也王部皇字無此訓而見於鳥部鸛字尙書益稷鳳皇來儀毛詩卷阿鳳皇于飛左氏莊二十二

年傳是謂鳳皇于飛毛詩傳鳳皇靈鳥仁瑞也雄曰鳳雌曰皇尙書僞孔傳毛詩釋文引陸璣疏並同皆本爾雅爲說古鳳皇字皆作皇作凰者俗也集韻或作鷟晉書武帝紀起鷟儀殿於後其證也說文亦無鷟字而有翌字羽部翌讀若皇周官樂師皇舞注故書皇作翌鄭司農云翌讀爲皇元謂皇雜五采羽如鳳皇色持以舞是說文翌卽鳳皇之皇也周書之皇鳥非爾雅之黃鳥矣其連鳥字而稱者左氏昭十七年傳鳳皇適至鳳鳥氏氏正也論語鳳鳥不至是也王會解西申以鳳鳥氏羌以鸞鳥皇鳥之稱亦猶是矣

釋駮

爾雅釋獸駮如馬倨牙食虎豹衆經音義引舍人注駮多力獸是也山海經海外北經云北海有獸焉其名曰駮狀如白馬鋸牙食虎豹郭注引周書義渠以茲白爲證西山經云中曲之山有獸其狀如馬而白身黑尾爾雅疏作引而一角虎牙爪音如鼓其名曰駮是食虎豹可身黑二尾以禦兵張揖注子虛賦亦言駮一角郭注爾雅不言駮有角及虎爪然駮亦在畏獸畫中注爾雅乃兼山海經兩說而參合之易說卦傳乾爲駮馬王虞云駮馬能食虎豹取其至健也孔疏倨牙如鋸能食虎豹由其剛堅

外著負力至健故易取象焉說苑師曠曰豹食駮駮食
虎駮之狀如駮馬是也說文駮駮分二字駮馬色不純
也駮獸如馬倨牙食虎豹九經字樣從之按爾雅釋畜
駮白駮固與釋獸之駮異字大徐於說文二字竝音北
角切易乾爲駮馬王虞本爾雅解之郅確是駮雖有馬
名無妨字與駮通也若如朱衷說卦傳注天有五行之
色故爲駮馬則爾雅但稱駮白爲駮不兼五色如孔冲
遠毛詩皇駮其馬疏稱樊光引乾爲駮馬則駮乃雜毛
不得儼純陽之體兩說並失所據故知說卦之駮馬斷
卽釋獸之駮矣又詩秦風隰有六駮疏引陸璣疏以爲

駮馬梓榆也毛傳引爾雅駮如馬訓之蓋誤又釋艸
九葉釋文引樊光本作駮釋云駮一名九葉此又一艸
名也

墨子號令篇訟駮
言語亦以駮作駮

釋駒騄

爾雅釋獸駒騄馬郭注色青山海經海外北經云北海有獸其狀如馬名曰駒騄逸周書王會解禹氏以駒騄說文駒騄北野之良馬也淮南主術訓騎騄而服駒騄爾雅釋文引字林云北狄良馬也瑞應圖云幽隱之獸也有明王在位卽至漢百官表有駒騄監取義於良馬畢氏山海經注疑駒騄卽橐駝今按周書伊尹朝獻商書正北請令以橐駝白玉野馬駒騄駃騠良弓爲獻並舉橐駝駒騄不以爲一物也又爾雅野馬郭注云如馬而小出塞外釋文引字林駒騄一曰野馬如淳注漢書

百官表高誘注淮南主術訓亦云駒駼野馬也按伊尹
朝獻尙書以野馬駒駼並舉子虛賦軼野馬而轡駒駼
則明非一物小顏已駁之矣宋書符瑞志駼作塗楊雄
解嘲今大漢左東海右渠搜前番禺後陶塗顏注駒駼
馬出北海上陶塗北方國名本國出馬因以爲名是陶
塗又與駒駼通也穆天子傳野馬日走五百里後漢書
鮮卑傳禽獸異於中國者有野馬

釋鯢

周書王會解濊人前兒前兒者鯢也古文省作兒北山
經饒山師魚郭注或作鯢尔雅釋魚鯢大者謂之鰕郭
注今鯢魚似鮎四腳前似獼猴後似狗聲如小兒啼大
者長八九尺別名鰕說文鯢刺魚也左氏宣十三年傳
取其鯢鯢而戮之管子輕重甲篇請立五厲之祭魚以
爲脯鯢以爲殽左傳疏引裴淵廣州記云鯢鯢長百丈
雄曰鯢雌曰鯢目卽明月珠也故死卽不見眼睛也周
處風土記云鯢鯢海中大魚俗說出入卽爲潮水水經
注伊水篇引廣志云鯢魚聲如小兒啼有四足形如鰕

鯉可以治牛出伊水也司馬遷謂之人魚故其著史記
曰始皇帝之葬也以人魚膏爲燭徐廣曰人魚似鮎而
四足卽鮎魚也太平御覽引異物志云鮎魚有四足如
龜而行疾有魚之體而以足行故曰鮎魚含水仰天不
動小鳥就食因而吞之西陽雜俎峽中人食鮎魚縛樹
上鞭至白汁出如構汁方可食諸家言鮎魚互異上林
賦謂之鰒高誘注呂覽以爲魚之賊

釋詹諸

爾雅釋魚鼃鰻蟾蜍从釋文曰鼃起據反鰻音秋案

蟾蜍本作詹諸詹諸謂之鰻鼃說文虫部鰻云鰻鼃詹

諸以脰鳴者从虫菊聲廣韻一居鰻渠竹切下引詹諸說文又鼃鰻七宿切

又謂之夫鼃說文目部鼃云夫鼃詹諸也其鳴詹諸其

皮鼃鼃其行夫夫从目从夫亦聲重文鰻云鼃或从

酋夫與鰻音近鼃與鰻字同陸氏釋文音鰻為秋鰻从

酉得聲古音秋夫同類鰻也夫鼃也皆疊韻字也音

之轉則為鼃鰻爾雅鼃鰻蟾蜍郭璞注似蝦蟆居陸地

淮南謂之去蛟去蛟之名方言从鼃鰻而變耳黃韻九御鼃下

龍與蚺夫亦音近龍醜爲雙聲字也又謂之屈造

夏小正四月鳴蜩蜩也者或曰屈造之屬也屈造猶蚺

龍也又謂之鼓造淮南子說林訓鼓造辟兵壽盡五月

之聖高誘注鼓造一曰蝦蟆造與戚通賈子胎教篇蟻公戚然易容大

戴禮保傳篇韓詩外傳卷七並作造然周禮眠賧蟻懼

獻杜子春云蟻讀憂戚之戚夏官掌固注云蟻讀爲造

次之造說文欠部龍从欠龍聲周禮大祝二日造故

書造作龍杜子春云龍讀爲造次之造此音類證古

音造龍亦同類也詹諸亦謂之醜醜說文卮部醜云醜

醜詹諸也詩曰得此醜醜言其行醜醜从卮爾聲此所

傳詩乃韓詩醜醜猶施施也淮南子原道訓蟾蜍捕蚤

高誘注蟾蜍也蜍卽戚施也太平御覽九百四十九

引韓詩作得此戚施。薛君曰：戚施，蟾蜍喻醜惡。此與夫
龜異名而同物。故說文於龜下，鼃下一據爾雅。一據韓
詩兩釋之。三爲諸以曉人也。或欲依許書鼃下之文，改
爾雅鼃鼃爲鼃鼃。改說文龜下夫鼃爲鼃鼃。改說文注
其行夫夫爲其行鼃鼃。不知如其言，則說文之例，鼃下
訓義已具。鼃下但應云鼃鼃也足矣。何煩復贅曰詹諸。
曰其行鼃鼃邪。如肥部鼃鼃鼃也。鼃鼃鼃也。卽其例。邵氏爾雅正義徑
改鼃鼃爲鼃鼃。蓋沿誤玉篇而不知鼃卽鼃字。戴氏東
原旣謂鼃當作鼃，又謂說文鼃當同鼃。斥陸之音鼃爲
秋，非是。尤攷之不審。

釋又

說文又手也人手寸口也寸十分也人手卻一寸動應
謂之寸口亦法度也諸法度字皆從寸是又寸義通行
肘疔守𢇛皆从寸得聲而聲近又是寸又音亦通付从
寸持物對人大徐曰寸手也詩角弓以附與木𢇛屬韻
付从寸聲寸讀近又古有部字與尤幽黝宥幼屋沃燭
覺諸部同類又古讀若以然易乾象傳以久韻道咎造
首大過象傳以久韻醜咎離象傳以久韻咎道臨象傳
以久韻道則古音通轉又亦可讀若誘矣

偃伯解

後漢書馬融傳廣成頌曰臣聞昔命師於韃橐偃伯於靈臺李賢注引司馬法曰古者武軍三年不興則凱樂凱歌偃伯靈臺答人之勞告不興也偃休也伯謂師節也靈臺望氣之臺也壽祺案伯訓師節它無所徵其義亦不可解伯卽禡字師節當爲師祭聲近之誤也周禮春官甸視掌四時之田表貉之祝號鄭君注云杜子春讀貉爲百爾所思之百書亦或爲禡貉兵祭也甸以講武治兵故有兵祭乎謂田者習兵之禮故亦禡祭禱氣勢之十百而多獲肆師之職凡四時之大甸獵祭表貉

則爲位鄭君注云貉師祭也貉讀爲十百之百其神蓋
蚩尤或曰黃帝說文示部禡注禱牲馬祭也詩曰旣禡
旣禡案毛詩吉日爾雅釋天皆作旣伯旣禱許君引詩
作旣禡旣禡者魯韓齊三家之異文周禮以貉爲禡杜
鄭讀貉爲百說文又以禡爲伯伯百同字伯禡貉通借
字偃伯之伯義當如周禮之禡訓爲師祭武軍不興則
偃師祭所立之表於靈臺也爾雅是類是禡師祭也旣
伯旣禱馬祭也各據詩詞緣事爲訓故兩解之其實師
祭專解是禡馬祭專解旣禱也且周禮田亦禡祭應劭
注漢書敘傳云禡者馬也馬者兵之首故祭其先神是

義得兩通也。偃伯在靈臺者，周禮肆師凡師甸用牲於社宗，則爲位鄭注引尙書大傳曰：王升舟入水，鼓鐘亞觀臺，亞將舟，亞宗廟，亞觀臺猶靈臺也。古者軍行，靈臺與社宗同設，而賈逵、盧植、蔡邕、潁容、服虔皆以清廟明堂辟雍靈臺爲一。禮記王制：天子將出征，受命於祖，受成於學，出征執有罪，反釋奠於學，以訊馘告。左氏傳：莊八年，有治兵於廟之文。周禮大司樂有獻捷於祖之事，此其義也。或曰：偃伯猶言偃旗也。伯與白通，周禮司常建大白以卽戎，逸周書克殷解有大白小白，皆旗名。伯又與帛通，左氏傳：紀子帛莒子盟于密，公穀帛作伯。周

禮通帛爲旛雜帛爲物故旗亦可言帛也初學記引黃
帝出軍訣曰有所攻伐作五采牙幢青牙旗引住東赤
牙旗引住南白牙旗引住西黑牙旗引住北黃牙旗引
住中漢書郊祀志武帝爲伐南越告禱泰一以牡荆畫
幡日月北斗登龍目象泰一三星爲泰一鉶旗命曰靈
旗爲兵禱則大史奉以指所伐國後漢滕輔晉袁宏顧
愷之宋王誕鄭鮮之皆有祭牙文見藝文類聚似偃伯
卽罷禡牙之禮但禡牙乃後世禮古師祭祇立表耳

釋鏤鱗

淮南子俶真訓百圍之木斬而爲犧尊鏤之以刮刷雜之以青黃華藻鏤鮮龍虵虎豹曲成文章高誘注鏤今之金尊也鮮明好也龍虵虎豹者刻尊彝爲蟠龍伏虎之狀故曰曲成文章壽祺案高注釋鏤鮮二字不辭說文第十四上金部鏤注云鏤鱗也鐘上橫木金華也从金專聲攷工記梓人小首而長搏身而鴻若是者謂之鱗屬以爲筓禮記明堂位夏后氏之龍簋虞注云飾簋以鱗屬又於龍上刻畫之爲重牙許君以鏤鱗爲鐘上橫木金華義與考工記合金華謂以金塗之有光華也

然則淮南鑄鮮當作鑄鱗。說文所謂金華卽淮南所謂華藻。古以此飾鐘。上橫木又爲尊彝飾。故義得通稱也。許君注淮南本必作鑄鱗。說文卽據之爲說。高注作鑄鮮。訓明好。蓋由所見本異。然不如許本之精矣。金尊亦當依說文爲金華。此傳寫之譌。又玉篇鑄字注云。鑄解獸似人。懸鐘橫木也。解字亦鱗字形近之誤。其云獸似人。必他有所據。蓋顧野王之舊。非孫強所能加。然省金華二字。直以爲懸鐘橫木疎矣。

說文經字攷

許祭酒說文所載羣經古篆等字錢氏潛研堂答問枚舉三百餘字外尙有可增益者易則愁卽夕惕若厲之惕冰卽陰始凝也之凝濂卽鄭易濂于無陽之濂葍卽鄭易昏葍之葍彪卽鄭易彪蒙之彪毓卽王肅易振民毓德之毓幣卽或錫之聲帶之聲坳卽鄭易三坳之之坳汙卽鄭易需于沙之沙遘卽鄭易明辨遘也之遘蹢卽鄭易賁如蹢如之蹢歐卽京易習歐之歐瀉卽水洊至之洊古文𩇛卽獲匪其醜之醜惓卽京易惓惓往來之惓𩇛卽鄭易𩇛其角之𩇛熇卽劉表易家人熇熇之

煇。矯卽荀易其牛。矯之矯。頽卽鄭易壯于頽之頽。趙卽其行次且之次。聚卽萃聚也。之聚。擊卽子夏易擊羊悔亡之擊。創卽京易困九五剗創之創。彰卽其文炳也。之炳。古文鬻卽覆公餗之餗。肫卽列其黃之黃。鄭康成作臄與肫同字。朋卽京易裂其朋之朋。媾卽孟京易歸妹以媾之媾。室卽京易室其無人之室。髡卽孟京易婦喪其髡之髡。絮皆卽縐有衣袷之袷。嘖卽見天下之嘖嘖字。眇卽馬氏易故君子之道眇矣之眇。罔卽作爲罔罟之罔。趯卽躁人之辭多之躁。黜卽鄭易爲黜喙之黜。遘卽鄭易遘卦之遘。尙書則假卽假于上下之假。采卽辨章百姓之

辨場卽賜谷之賜。后卽啓明之啓。醴卽圮族之圮。台卽

今文舜讓于德不台之台。煙卽古文煙于六宗之煙。謚

卽今文惟刑之謚哉之謚。穀卽播時百穀之播。殳卽殳

夏之猾。獮卽擾而毅之擾。見玉篇哥卽歌詠言之歌。尸卽

殄行之殄。巧卽何畏乎巧言之巧。岨卽距川之距。薺卽

皆卽絺繡之絺。古文曰目皆卽在治召之召。見鄭注爾卽

鳳皇來儀之鳳。翌卽百獸率舞之舞。頤卽元首喜哉之

喜。囧卽元首明哉之明。許君云囧賈侍中說讀與明同

蓋古文尙書元首明哉明有作囧者故曹氏戠卽赤埴

名字取此賈侍中說當卽據古文尙書也埴之埴。鄭玼卽螾珠之螾。淖卽江漢朝宗于海之朝。今

見論衡溝卽沱潛之潛見史記夏本紀礪卽華陽之華玲卽球琳

之琳鄭本尙書縶卽二百里蔡之蔡稽卽納結服之結錙卽

無盡劉之劉訖卽爾枕不屬之枕旼卽今文優賢揚歷

之賢見三國志注及漢碑摩卽右秉白旄以麾之麾邊卽逖矣西

士之人之逖見文選注藹卽今文如豺如離之離見史記周本紀及文

選西都賦注怕卽古文大誓師乃怕之怕古文詖卽無偏無

頗之頗箎卽盡起而築之之築籥卽逸祝冊之用沫卽王

乃洮頰水之頰眊卽耄荒之耄見漢書刑法志跽卽判辟疑赦

之荆鬲卽今文鬲宮剗割脰庶刺之鬲見尙書正義賕卽今

文惟貨惟求之求劓卽杜乃獲之杜見周禮秋官雍氏注譏卽譏

譏善巧言之譏

見公羊傳及楚詞章句

詩則枓卽韓詩南有樛木

之樛杻卽韓詩施于中杻之杻

見文選注

餽卽言秣其馬之

秣殂卽夙夜在公之夙

見尉氏令鄭君碑

纏卽素絲五紵之紵

卽毋感我悅兮之悅齋卽領如螭蟜之蟜較卽倚重較

兮之較象卽擇兮擇兮之擇

見玉篇與擇同

澔卽北流活活之活

轍卽韓詩庶姜轍轍之轍狎卽韓詩能不我狎之狎袞

卽魯詩青青子衿之衿

石經

熾卽韓詩熾熾女手之熾

卽我訶且謠之謠綃卽魯詩素衣朱綃之綃

見鄭箋

效卽

見此榮者之榮駝卽肅肅鴉羽之鴉韞卽竹韞緄滕之

韞見鄭康成儀禮注

西卽可以栖遲之栖

見漢嚴發碑

媿卽韓詩誰

伯子媿之媿醬卽韓詩碩大且醬之醬醢卽韓詩飲酒

之醢醢字納卽執訊獲醜之訊穉卽南山有枸之枸藿

卽菁菁者莪之菁

集韻菁艸兒詩菁者莪李舟說

摯卽如輕如軒之

輕隸卽方叔涖止之涖枋卽韓詩如矢斯枋之枋鞠卽如

鳥斯革之革麋卽其麋孔有之麋

尔雅注引詩

穹卽韓詩在

彼穹谷之穹駉卽韓詩駉駉駉駉之駉鵠卽鵠飛戾天

之鵠愷卽天之方愷之愷沈卽韓詩謀猶回沈之沈狂

卽韓詩宜狎宜獄之狎鷗卽鷗彼晨風之晨瞿卽韓詩

瞿瞿聿消之瞿寬卽韓詩先集維霰之霰辰卽周道如

砥之砥宓卽使我心宓之宓陬卽維禹甸之之甸

見周禮稍

人鄭注芋籽皆卽或耘或耔之耔見漢書食貨志采卽此有滯穗

之穗積卽此有不斂積之積崔靈恩三家集注三剡卽賓載手仇

之仇綽卽綽綽有裕之綽笠卽臺笠緇撮之臺國語吳語唐尚

書云笠夫須也案尔正臺夫須也臺笠音相轉詩臺笠卽此鵠卽有鶩在梁之鶩船卽

造舟爲梁之造牒卽韓詩周原膍膍之膍煇卽烝之浮

浮之浮机卽授几有緝御之几見楚詞章句弭卽辟辟角弓

之辟釋文辟說文作弭谷啣皆卽嘉穀脾臑之臑輶卽與爾臨

衝之衝礮卽取厲取鍛之鍛見釋文彌卽俾爾彌爾性之

彌計卽辭之戢矣之戢扇卽尙不愧于屋漏之漏闕卽

大風有隧之隧远卽往远王舅之远見鄭箋貉卽其追其

貊之貊卽拒鬯一卽之卽意卽萬億及秭之億艸卽

應艸縣鼓之艸

見鄭箋

畧卽有畧其耜之畧儀禮則覓卽

士冠爵弁服之弁衿卽士冠韎韐之韐

說文注引鄭司農說卽仲卽儀

禮結卽士冠采衣紵之紵褻縠皆卽士昏被黼黻之類

籩卽士昏婦執笄之笄豐卽鄉射設豐之豐倂賸皆卽

燕禮勝觚于賓之媵苟卽聘禮燕禮賓爲苟敬之苟

當讀

已力

但卽覲禮肉袒之袒綌卽士喪不綌之綌

見鄭箋注

卽士喪幙目用緇之幙擊卽士喪設決麗于擊之擊因

卽士虞中月而禫之禫糒卽特牲饋食視饔饗之饔周

禮則商卽商賈阜通貨賄之商趨卽轉移執事之移葬

卽膳膏臠之臠廼卽以鹹養脈之脈瞽卽醫醢糟之糟
鬻卽糗餌之餌糝卽粉養之養糝卽五壺之壺醴卽內
豎則前蹕之蹕掄卽搖狄之搖矧卽封人置其紆之紆
笱卽共其牛牲之互互字顓卽鼓人夜鼓鼙之鼙歟卽
師氏掌以媯詔王之媯義卽治其禮儀之儀肆師鄭注故書儀作
義焚卽標燎之燎饗卽掌共秬鬯之鬯豈卽奏愷樂之
愷瞽卽典同高聲硯之硯寡卽舛聲鬱之舛籥卽掌教
歛竿笙壎箛之歛鬴卽簫簴箛管之箛籥卽箬人之箬
勿卽雜帛爲物之物旂卽旂車載旌之旂祿禴皆卽遂
以獮田之獮璠卽璫玉三采之璫鄭注故書璫卽玉璫璫作璠

之璩璩即犬人凡幾珥之幾範即大馭作犯較之犯蟻

即蝮氏之蝮踴跣皆即刑者使守門之刑櫬即牙得則

無桀而固之桀此當是尔尼木相磨櫬之字非考工記之桀虜即陶人爲虜

之甌甌即甌實二甌之甌柏即庇長尺有一寸之庇禮

記則簪即曲禮國中以策彗卹沒之彗螾即月令蚯蚓

出之蚓桶即角斗甬之甬見史記商君傳呂覽仲春紀駑翟皆即田

鼠化爲鴛之鴛苗即具曲植之曲籥鞠皆即麴葉必時

之麴齊即火齊必得之齊極即曾子問葬至于塋之塋

藟即內則三牲用藟之藟媢即姆教婉婉聽從之姆礪

即玉藻士佩璫玟之璫媒即爲已係卑之係禕即大傳

殊徽號之徽

見鄭注

邇卽學記學不躐等也之躐管卽伸

其估畢之估認卽樂記使論其文而不認之認

見荀子

卽卵生者不殛之殛磴卽石聲磬之磬

見史記樂書

臍卽使

其曲直繁瘠之瘠左氏傳則卽授師子焉之子漢卽

地反物爲妖之妖糴卽公狩于祿之祿眈卽睥其目之

睥俾卽禹稱善人之稱

玉篇引

襍褻卽筆路藍縷之藍縷

邇卽好聚鵠冠之鵠寥寥皆卽趙佻在後之佻頤卽鄭

人立髡頑之髡蔽卽毋棄菅蒯之蒯梨卽使巫以桃茹

之茹

據杜注

嚮節健皆卽儻于是之儻競卽二惠競爽猶

可之競籛卽卅魴守之之魴

說文籛引春秋傳曰澤之自籛重文魴此卽左氏傳

澤之荏蒲舟鰲守之之本字也說文自乃舟之譌左氏
 傳鰲乃鰲之壞字自鰲即自鰲謂澤藪之利也許君約
 倚文故曰澤之月鰲鰲即公子稠之稠說文鰲引春秋
 仁和監生嚴杰說稠即公子稠之稠傳曰有空鰲按
 秦秋傳無空鰲之文鰲與紹通亦與稠同訓短衣也魯
 昭公名稠所謂稠父喪勞是也說文空字上穴乃公之
 壞字下工乃子之壞字
 嘉定貢生吳凌雲說
 饕即日月之會謂之辰辰字輻

即載蔥靈之靈蕭即荀偃卒于戲陽之戲
見杜注及後漢書光武紀

劉昭地理志注補公羊則淨即至于爭門之爭選即祖之所逮

聞也之逮見石經徇徇即朋友相衛而不相迫之迫論語

則輶梲皆即大車無輶之輶梲即瑚璉也之璉侂即可

以託六尺之孤之託見玉篇恹即空空如也之恹勿即

求善價而沽諸之沽玉篇引論語逡即逡逡如也之逡見祝穆後

趨即趨進翼如也之翼王篇引驥即點爾何如之點論語

籍籍皆即斗筭之人之筭莫即莞爾而笑之莞置即置

其杖而芸之置見石十拜即子路拱而立之拱孟子則

躬即蹙頞之頞難即若火之始然之然覲即成覲之覲

蠶即蠶食實者之蠶齧即噉爾而與之之噉百因姑皆

即以言餽之也之餽闕即王使人瞞夫子之瞞尔正則

婁即妫樂也之妫毛詩釋文引瘞即氣靜也之氣寒即

顛靜也之顛密即密靜也之密勉即剋勝也之剋退遽

即徂存也之徂鞠窵皆即鞠窮也之鞠匿即挾藏也之

挾晉即替滅也之替萌即翌明也之翌詢即詢訟也之

訥齡卽苛姣也之姣離卽皇華也之皇蘭卽萌萌在也
之萌欄欄積積卽委委佗佗之異

見釋文

憲卽瘡瘡病也

之瘡賴卽不俟不來也之俟黻卽絨羔裘之縫也之絨

鬲卽鬲兄也之鬲射卽一達謂之道道字官卽東南隅

謂之窆窆字

尔疋釋文窆本或作窆與窆同案說文完部有窆窆二字皆不引尔疋獨官字注云

室東南隅謂之官則官乃尔疋正字也

毘卽毘毘謂之緜緜字齟卽骨謂之

切切字

釋文云本或作齟

鬣卽角謂之鬣鬣字磻卽斫謂之磻

磻字爛卽搏者謂之爛爛字瑋卽瑋大八寸謂之瑋瑋

字覲卽雨覲爲霄雪之覲坭卽水潦所止爲坭坭之泥

絳卽絳絳也之絳縹卽其大者縹之縹荇卽薜山蘄之

蘄夢卽其萌蘄之萌

尔正當連下文蒹字爲句蘄蒹卽大戴記百艸權輿之謂權輿者艸

木之始也蘄蒹正字權輿通借字陽湖孫星衍說

萊卽釐蔓華之釐鼃卽蟠鼠

婦之蟠蛺卽蛺蛺之蛺蠹卽蝨天蝨之蝨蚰卽蛞蝓之

蛞蝓卽鷺黃之鷺舫卽鷺澤虞之鷺齟卽羊曰齟之齟

躐卽其跡远之远駟卽牝曰駟之駟騶卽一目白瞶之

瞶牝卽體長牝之牝此類悉數之不能終學者精孰諸

經參稽同異則觸目卽得之矣

說文解禮攷

武進臧禮堂說文經考曰許君序言傳易孟氏書孔氏
詩毛氏禮周官春秋左氏論語孝經皆古文獨儀禮用
今文故士冠士昏古文離皮今文儷皮說文佳部離黃
倉庚也不引離皮鹿部麗明傳禮用麗皮納聘矣士昏
古文局今文圃圃或作鉉詩祺案儀禮注以局爲古文
鉉爲今文圃字似非今文以
與鉉字形聲相近也圃當是
古文本文字局當是同音假借字說文戶部局爲外閉之
關鼎部有圃以木橫貫鼎耳而舉從鼎口聲金部鉉舉
鼎具也明傳易謂之鉉禮謂之圃矣旣夕古文乃窆今
文乃封說文土部塋明稱禮謂之封周官謂之窆矣公

食大夫古文羊𦍋今文羊𦍋說文艸部𦍋明傳禮曰鉶
毛牛藿羊𦍋豕薇矣士昏古文北趾今文北止說文以
止爲足足部無趾士喪古文爲銘今文爲名說文口部
名白命也金部無銘特牲饋食古文酌尸今文酌尸說
文酉部酌少少飲也从酉勻聲無醕字此許君儀禮用
今文之證壽祺案臧君是說到確今更推之周禮梓人
疏引駁異義云觶字角旁著氏汝穎之間師讀所作今
禮角旁單古書或作角旁氏儀禮燕禮注亦云古者觶
字或作角旁氏鄭言觶觥分別古今蓋觶爲今文觥爲
古文或字說文角部觶引禮曰一人洗舉觶重文觥云

禮經解是亦上觶據今禮下觶據古禮經也士冠緇布冠各一匱古文匱爲簋說文匚部有匱竹部無簋鄉射記無物則以白羽與朱羽糝今文糝爲縮說文糸部有縮米部無糝聘禮記賜饗惟羹飪古文飪作脰說文食部有飪肉部無脰少牢綏祭古文綏爲脰士虞記用專膚爲所俎今文爲折俎說文肉部無所特牲祝命按祭今文按首爲綏說文手部無按士喪奉尸俛于堂今文俛作夷說文人部無俛士喪特豚兩胙今文胙爲迫說文肉部無胙士喪禭者以褶古文褶爲襲說文糸部有緼字或作褶士喪王棘若擇棘今文擇爲澤說文木部

無擇既夕記塋用塊古文塋爲役說文土部有垆卽塋字既夕記木鎔今文鎔爲鎔說文人部有鎔無鎔既夕執算古文算皆爲筴說文竹部有算無筴此皆臧君所未及舉亦足與前說相發明者也

漢讀舉例

漢儒音讀之法。凡言讀如讀若讀爲讀曰讀與某同皆別舉一字以定其音。此常例也。亦有卽本字爲音者。蓋字包數音。音包數義。字同而音異者。別其音。字同而義異者。別其義。故或舉經典習見之文以證之。或舉方俗易曉之語以徵之。字雖不改而音與義已判矣。此又一例也。復有字止一音一義難爲比況之詞。但就本義爲本音者。此又一例也。前一例人所易知。後二例見經籍古注者詳攷如左。

杜子春周禮注八事 地官稻人以溝蕩水注。蕩讀爲和蕩。案此讀蕩如盪釋文。蕩如字李軌吐黨反。春官磬師擊編鍾注。讀編

為編書之編

案編止一音一義訓聯也次也

笙氏掌共焦契注焦讀

為細目焦之焦

釋文焦哉約反李又祖堯反一音哉益反案李執音祖堯反者以杜云或曰如

薪樵之樵也

益字疑誤

大祝五曰振祭注禮家讀振為振旅之

振四曰振勤注振讀為振鐸之振七曰奇拜注奇讀為

奇偶之奇

案振音側隣切又之刃切振祭注杜子春云禮家讀振為振旅之振左氏隱五年傳入而

振旅穀梁莊八年傳入曰振旅杜預范甯注並云振整也是振又音之郢切

夏官圉師射

則充樵質注讀樵為齊人言鐵樵之樵

案司弓矢釋文樵張林反廣韻

引文字指歸俗用為桑樵字非是此字止一音一義

職方氏其浸穎湛注湛讀

當為人名湛之湛

釋文湛直感反劉又音沈李唐感反案湛古浮沈

服不氏

以旌居乏而待獲注乏讀為匱乏之乏

鄭司農周禮注二十六事 地官序官遺人注遺讀如

詩曰棄子如遺之遺案後鄭讀飽遺之遺釋文維季反司農音維後遺人釋文云劉昌宗

遂音 春官巾車鷩總注鷩讀為鳧鷩之鷩案後鄭云故書鷩或作鷩

先鄭以鷩者青黑色繒色如之釋文鷩鳥兮反劉鳥計反案離騷驅玉蚪以乘鷩李善注鷩鳳皇別名也山海

經曰鷩身有五采後漢書張衡傳注九疑山有五采之鳥名曰鷩此與鳧鷩義異 車僕大射共

三乏注乏讀為匱乏之乏案賈疏云以其矢於侯匱乏不去故讀從之是射禮之容

名乏音義皆 天府釁寶鎮注釁讀為徽或曰釁鼓之與匱乏同

釁 典瑞駟圭璋璧琮琥璜之渠眉注駟讀為駟疾之

駟案賈疏云先鄭讀駟為鉏牙之鉏云讀駟為駟疾之駟此蓋當時語廣韻十姥駟徂古切三十七蕩駟子

朗切音義皆與此別後鄭云駟讀為組與組馬同不從先鄭 夏官大司馬師旅執

提注提讀如攝提之提 秋官序官萍氏注萍讀或為

萍號起雨之萍 案後鄭云今天問萍號作萍舊雅符號

萍萍其大者蘋釋文萍萍上音平本亦 序官冥氏注

冥讀為冥氏春秋之冥 案後鄭讀冥方之冥釋文冥如

屬後鄭也 序官哲族氏注族讀為爵族之族謂巢也 案賈

爵族是雀巢廣韻五十候族翁奏切又一星族干木切

也說文族行 司儀皆旅擯注旅讀為旅於泰山之旅

後鄭注旅讀為鴻臚之臚臚陳之也案爾雅釋詁旅陳

也釋言臚敘也儀禮鄉飲酒禮注旅敘也周禮此注云

臚陳之也義皆相通士冠禮注古文旅作臚漢書敘傳

大夫臚岱侯伯僭時鄭氏曰臚岱季氏旅於泰山是也

師古曰臚旅聲相近其義一耳尚書禹貢蔡蒙旅平釋

文族章昭音盧史記六國表位在藩臣而臚於郊祀此

卽臚岱僭時之說也然則先鄭亦讀旅若臚後鄭恐人不知旅於泰山之旅音臚故引伸之非與先鄭有異也

掌客車三秣注秣讀爲秣秣麻荅之秣釋文秣下故反或丈加反

儀禮助禮釋文引字林疾加反秋官序官掌訝注訝讀爲跛者訝跛

者之訝案古訝御音義同皆訓迎也諸經多作御周禮及公羊作訝司農掌訝注輸人注並引公羊傳

跛者訝跛者公羊成二年傳釋文迂本作訝陸元朗所見公

三年傳迂晉侯於新楚釋文迂本作訝陸元朗所見公

羊左氏舊本猶作訝其作迂者皆後來所改矣說文言

部訝相迎也从言牙聲周禮曰諸侯有卿訝也其下迂

篆云訝或从𠂔則徐氏所補十九字之一也儀禮士昏

禮勝御沃盥交注御當爲訝此以勝御連文恐人疑爲

侍御之御故易其字然御訝實同一字不必易也考工記函鮑注鮑讀爲鮑

魚之鮑案司農云書或爲鮑蒼頡篇有鮑楚說文革部

工鮑氏鮑即鮑也許鄭所據周禮皆作鮑此字宜从革

從魚作鮑者同音通假也司農注當云鮑讀爲鮑楚之

鮑而云讀爲鮑魚之鮑非其義也此注疑有改竄之誤
或讀爲以下六字當在引蒼頡篇之下簡錯耳下鮑人
之事後鄭云鮑故書或作鮑重引鄭司農云
蒼頡篇有鮑莢而無讀爲鮑魚之鮑語可證
輪人欲

其掣爾而纖也注掣讀爲紛容掣參之掣
案後鄭謂掣如桑螵蛸之

蛸釋文掣音蕭此後鄭音也又色交反
此先鄭音也紛容掣參語出上林賦
輪人指其藪

注藪讀爲蜂藪之藪
案司農云謂藪空壺中也說文木部槩車藪中空也从木槩聲讀若

藪槩卽考工記之藪字也可農云讀爲蜂藪之藪者言其義同也急就篇輻輳鎔鎔輳輳亦槩字

輳人馬不契需注契讀爲爰契我龜之契需讀爲畏需

之需
案釋文契苦契反此與書契音異也賈疏需讀爲畏需之需謂從易需卦之需此說非也畏需之需

當讀與輳同古輳字作輳亦作需與需卦之需音義並異釋文需音須又乃亂反後音是也先鄭解契需云謂

不傷蹄不需道里
此畏需之義也
輳人良輳環潛注潛讀爲潛酒之

潛宋釋文潛音子肖反李音在學反

治氏鋌十之注鋌讀如麥秀鋌

之鋌 鮑人之事卷而搏之欲其無迤也注卷讀為可

卷而懷之卷迤讀為既建而迤之迤 梓人為筍虞注

筍讀為竹筍之筍 出舌尋緝寸焉注緝讀為竹中皮

之緝 弓人菑栗不弛注菑讀為不菑而畚之菑栗讀

為榛栗之栗案釋文菑側冀反又側其反沈子冀反劉音廁據先鄭輪人注云菑讀如難廁之廁

泰山平原所樹立物為菑聲如蔽博立梟某亦為菑此音菑為廁也弓人之菑先鄭當讀側其反沈劉之音非

先鄭義也栗釋文音烈後鄭讀栗為裂繻之裂 夫筋之所由檐注檐讀為車

檐之檐 矢人亦弗之能憚矣注憚讀寔為憚之以屨之憚

鄭康成易注一事 解讀如人倦解之解見文選三都賦註

康成尙書註二事

降讀如郈降於齊師之降

見水經注十

聒讀如聒耳之聒

見尙書盤庚正義

康成毛詩箋三事

終風箋噓讀當爲不敢噓咳之噓

狼跋箋孫讀如公孫于齊之孫 伐檀箋殽讀如魚

殽之殽

康成儀禮注四事

覲禮注右讀如周公右王之右

卓讀如卓王孫之卓

特牲饋食禮注與讀如諸侯以

禮相與之與

士喪禮注綦讀馬絆綦之綦

康成周禮注二十六事

太宰注利讀如上思利民之

利

小司徒注甸讀如衷甸之甸

外府注布讀爲宣

布之布。廛人注。滯讀爲沈滯之滯。質人注。淳讀如
淳尸盥之淳。鐘師注。鼓讀如莊王鼓之鼓。磬師注。
縵讀爲縵錦之縵。典同注。甄讀爲甄曜之甄。陂讀爲
險陂之陂。鰭讀爲飛針鰭之鰭。韎師注。韎讀如韎韐
之韎。射人注。作讀如作止爵之作。弁師注。會讀如
大會之會。庾人注。散讀如巾散之散。挈壺氏注。挈
讀如挈髮之挈。掌客注。見讀如卿皆見之見。掌交
注。辟讀如辟忌之辟。秋官序官注。冥氏。冥方之冥。
臬氏注。量讀如量人之量。韡人注。穹讀如穹蒼之穹。
陶人注。庾讀如請益與之庾之庾。荒氏注。渥讀如

郇人渥營之渥 匠人注淫讀如淫液之淫 弓人注

簡讀如簡札之簡 測讀如測度之測 矢人注搏讀

如搏黍之搏

康成禮記注七事 喪服小記生不及祖父母諸父昆

弟而父稅喪注稅讀如無禮則稅之稅釋文稅喪皇他沽反徐他外反

○正義無禮則稅見左氏傳三十三年傳 樂記則易直子諒之心注子讀

如不子之子祭義注同 中庸可以與知焉注與讀爲

贊者皆與之與正義贊者皆與見士冠禮 仁者人也注人讀如相

人偶之人以人意相存問之言 溫故而知新注溫讀

如燖溫之溫 深衣續衽鉤邊注鉤讀如鳥喙必鉤之

鈎 表記衣服以移之注移讀如水汜移之移移猶廣

大也

釋文移昌氏反
徐又怡者反

高誘呂氏春秋注六事 卷二當染篇以茹魚去蠅蠅

愈至注茹讀茹船漏之茹字茹臭也 卷三執輿如組

注組讀組織之組 卷三論人篇人之竅九一有所居

則八虛注居讀曰居處之居居猶壅閉也 卷三月紀

篇與爲夙明注夙讀如詩云吁嗟夙兮 卷二十六務

大篇注巧讀如巧智之巧 任地篇農夫知其田之易

也注易治也讀如易綱之易

高誘淮南注六十五事 卷一原道訓析八極注析開

也讀重門擊柝之柝。 悅兮忽兮注。 悅讀人空頭扣悅
之悅。 雖有鈎箴芒距注。 距讀距守之距。 用不屈兮
注。 屈讀秋雞無尾屈之屈。 而田者爭處境垆注。 境垆
讀人相燒掾之境。 新而不朗注。 朗讀汝南朗陵之朗。
一之解注。 解讀解故之解。 連嶮注。 嶮讀暗嶮無松
柏之嶮。 不以慄爲悲注。 慄讀辟向慄之慄。 漠曙於
執利注。 曙讀織絹緻密曙無間孔之曙。 卷二倣真訓。
歧行噲息注。 噲讀不悅懌外之噲。 汪然平靜注。 汪讀
傳尸諸周氏之汪同。 代謝舛馳注。 舛讀舛瀆之外。
茫茫沈沈注。 沈讀水出沈正白之沈。 設於無垓玷之

宇注。按。坵。垠。墀。也。坵。讀。人。飲。食。太。多。以。思。下。坵。坵。讀。爲。堯。氏。有。反。坵。之。坵。被。施。頗。烈。注。被。讀。光。被。四。表。之。被。乃。始。構。離。跂。注。構。讀。蕭。無。縫。際。之。構。以。覩。其。易。也。注。易。讀。河。間。易。縣。之。易。卷。三。天。文。訓。本。標。相。應。注。標。讀。刀。末。之。標。是。謂。肫。明。注。肫。讀。若。肫。諾。皋。之。肫。

卷四陸地訓曰亢澤注亢讀常山人謂伯爲亢之亢案說

文田部眈一曰陌也趙魏謂陌爲眈卽此字

食木者多力而𡗗注𡗗讀內

𡗗於中國之𡗗近鼻也 有斥山之文皮焉注斥讀斥

斥之斥斥或作廝注斥上或作廝立恐誤

其人蠢愚注蠢讀人謂蠢

然無知之蠢 構山注構讀人姓構氏之構 卷五時

則訓穿竇窖注讀窖藏人物之窖乃命大僧注僧讀

僧豪之會秣稻必齊注齊讀齊和之齊卷六覽窠

訓畫隨灰而月運闕注運讀運圍之運運本一作連誤之運運字一本

作圍亦誤夫陽燧取火於日注夫讀大夫之夫過歸雁

於碣石注過讀青過之過卷七精神訓芒苳漠閑注

閑讀閑子騫之閑日中有踰烏注踰讀踰巍之踰

薄蝕無光注薄讀厚薄之薄而增之以任重之憂注

任讀任俠之任得秣越下注越讀經無重越之越

仇由注仇讀仇餘之仇卷八本經訓其行悅而順情

注悅讀射悅取不覺之悅芒繁紛挐注芒讀麥芒之芒

戴角出距之獸注距讀距守之距盤紆刻儼注儼
讀儼然之儼菱杼紆拖注杼讀言杼紆讀紆結之紆
巧爲紛拏注拏讀人性紛拏不解之拏益樹蓮菱
注蓮讀蓮芋魚之蓮甬道相連注道讀道布之道
冠無觚羸之理注羸讀指端羸文之羸卷九主術訓
甞續塞耳注甞讀而買甞益之甞卷十三汜論訓以
勞天下之民注勞讀勞勑之勞乾鵠知來而不知往
注乾讀乾燥之乾卷十六說山訓引輶者爲之止也
注輶讀土行輶之輶揲挺其土注揲讀揲脈之揲
社何愛速死注江淮謂母曰社社讀雖家謂公爲阿社

之社 故寒顫懼者亦顫注顫讀天寒凍顫之顫 卷
十七說林訓非其任也注任讀甚任之任 以玉鉉者
發注發讀射百發之發 倚者易輶也注輶讀輶濟之
輶 毀舟爲杙注杙舟尾讀詩有杙之杙 繒爲之纂
繹注纂讀曰綾繹纂之纂 卷十九脩務訓以身解於
陽盱之阿注解讀解除之解 唵唵唵注唵讀大口
之哆 越人有重遲者而人謂之諺注諺讀燕人言趨
操善趨者謂之諺同也 攬援標拂注標讀刀標之標
雖鳴廉脩營注營讀營正急之營

史記注八事 秦始皇本紀推終始五德之傳集解引

鄭氏注傳音亭傳 高祖紀嘗告歸之田索隱引韋昭
注告音告語之告 高武侯鰓集解引蘇林注鰓音魚
鰓之鰓 平準書名三白選索隱引蘇林音選擇之選
陳涉世家又間令吳廣索隱引服虔云間又中間之
間又樊鄴滕灌列傳賜上間爵索隱引如淳證上間音
中間之間 南越尉佗列傳卽被佗書集解引韋昭曰
被音光被之被 傳靳蒯成侯列傳集解引服虔曰蒯
音管蒯之蒯 萬石君傳減宣集解引服虔曰減音減
損之減

漢書注五十三事 高祖紀上隆準文穎曰準音準的

之準 走至戚鄭氏曰音憂戚之戚志八注同 高武
侯鯁蘇林曰鯁音魚鯁之鯁 燕將臧荼爲燕王鄭氏
曰荼音荼毒之荼 明其爲賊應劭曰爲音無爲之爲
鄭氏曰爲音人相爲之爲 盧綰蘇林曰綰音呂繩綰
結物之綰 樅公注蘇林曰音樅木之樅 高祖紀下
萬民與苦甚如淳曰與音相干與之與 沛侯濞重厚
服虔注濞音滂濞 行田宅蘇林曰行音行酒之行
居南方長治之晉灼曰長音長吏之長 亡可躋足待
也如淳曰躋音如今行樂躋行之躋 塋長陵已下蘇
林注下音下書之下 規摹宏遠矣鄧展曰若畫工規

模物之摹 文帝紀四常假借納用焉蘇林注假音休
假借音以物借人之借 景帝紀五更議著合蘇林注
著音著幘之著 武帝紀六怵於邪說如淳注怵音怵
惕 昭帝紀七今三輔太常穀減賤鄭氏注減音減少
之減 王子侯表三夏羹侯服虔注夏音夏擊之夏
禮樂志二豐草蓼孟康注蓼音四月秀蓼蓼盛貌也
又宵窳桂華蘇林注宵音宵朕之宵窳音窳下之窳
郊祀志五上推終始傳鄭氏注傳音亭傳 天文志六
天棊蘇林注棊音棊打之棊 五行志七母乃有所辟
服虔注辟音邪辟之辟 五行志七中之上霧恆風若

服虔注霿音人備霿 五行志七下之上大經在辟而易臣服虔注辟音刑辟之辟 地理志八平原郡般如淳注般讀如面般之般 韓王信傳國被邊李奇注被音被馬之被 韓侯傳刻印刃蘇林注刃音刃角之刃周勃傳趣爲我語蘇林注趣音趣舍 周亞夫傳吏簿責亞夫如淳注簿音主簿之簿又張湯傳蘇林注同任敖傳及呂比定律令如淳注比音比次之比或曰比音比方之比 賈誼傳則因而擬之矣服虔注擬音擬起 鼂錯傳連有假伍百服虔注假音假借之假鄒陽傳封之於有鼻服虔注音界予之界 傳二十三

渾姬鄭氏注渾音泥渾 司馬相如傳二十七末光絕
炎李奇注炎音火之光炎 傳二十七至入曾宮之曜
峨蘇林注至音馬至叱之至 傳二十七下雲之油油
蘇林注油音油麻之油 武五子傳三十三因長御倚
華鄭氏注長音長者 李廣利傳三十一名昧蔡服虔
注蔡音楚言蔡 東方朔傳三十五是寢數也蘇林注
寢音貧寢多寢數音數錢之數 又同胞之徒蘇林注
胞音胞胎之胞也言親兄弟 段會宗傳卽出所發兵
墊埽地服虔注墊音墊院之墊 楊雄傳上天動地吸
蘇林注吸音吸吸動搖之吸 蹶浮糜鄭氏注蹶音馬

蹄蹶之蹶 彌環蘇林注彌音石墮井彌爾之彌 王
莽傳上標末之功服虔注標音刀末之標 敘傳七十
上匪黨人之敢抬分鄭氏注抬音負抬之抬 敘傳七
十說難既會應劭注會音會豪之會會惟也

說文解字十五事 禿部趨讀若春秋傳輔趨 彡讀

若春秋公羊傳曰彡階而禿 足部蹢當讀如豕白蹢

之蹢 說文繫傳傳賈侍中說 言部諺讀若中心諺 穴部窳

讀若虞書曰窳三苗之窳 影部鬻讀若江南謂酢母

爲鬻 馬部駮讀若尔元小山駮大山恒 犬部獨讀

若南楚相驚曰獨 小徐繫傳本 黑部黼讀若染繒中東繒

舌頭言以舌腹言諸法其委曲曉示之意亦可見矣近
儒段若膺最精說文之學獨於竅𣪠等讀若本字者以
爲傳寫淆譌說文注中竅三苗之竅一竅字仍當作竅
𣪠𣪠大猷仍當作秩秩它放此攷說文𣪠讀若春麥爲
𣪠之𣪠段君云注兩𣪠字皆𣪠之誤證以廣雅𣪠畚也
此說信然然𣪠𣪠形似相亂可也竅與竅𣪠與秩皆形
相遠且竅難而竅易𣪠難而秩易傳寫不應譌書詩之
竅秩爲竅𣪠也況說文籒籒駢駢擊枕嬌繻等字讀
若與竅𣪠一例此又何以言之案糸部繻讀若易繻有
衣

脫衣下當

陸氏周易音義引薛虞云古文作繻說文何

易孟氏古文也經之作繻更無淆譌段說於此不可施
次大部獨大徐本作南楚謂相驚曰獨讀若慙小徐本
作讀若南楚相驚曰獨以鬻字注例之則大徐本必是
小徐未必非也虞書敷三苗作竄者惟枚頤本僞孔傳
則然別無左證非眞古文也說文竄匿也宅字書亦無
疏散之訓左氏傳言流四凶族投諸四裔史記五帝本
紀作遷三苗于三危則經文不作竄可證孟子引書作
殺三苗殺者繫之同聲假借字繫與敷音正相近說文
繫散之也敷塞也言其流散之義謂之繫言其閉塞之
義謂之敷義正相合許叔重以本音本義卽援古文尙

書以明之此與杜子春先鄭後鄭高誘應劭服虔如淳孟康李奇蘇林等注書所讀若出一轍不必疑也

又案說文品部讀與聶同春秋傳曰次于品案今春秋卽作聶不作品文部敷讀若杜書曰敷乃據案今書卽作杜不作敷口部圉讀若曠尚書曰圉案今書卽作驛不作圉邑部甕讀若許案今經傳國名皆作許不作甕於部於讀若偃案今經傳旗旂皆作偃不作於亦部於讀若傲案尚書毋若丹朱傲閼水行舟傲當作於卽論語所謂具盥舟也大書作傲不作於此類疑是隸變後博士經師改易其字亦如周禮故書經杜子春賈

景伯鄭少贛父子灼然變易者也但杜賈鄭二三君子
發疑正讀多有古字而杜元凱之於春秋王子維之於
尚書則信今而棄古失之遠矣

上如揖下如授解

論語鄉黨篇執圭鞠躬如也如不勝上如揖下如授足縮縮如有循鞠躬儀禮聘禮記釋文作鞠窮義同鞠躬本雙聲字史記韓長孺傳贊太史公自序漢書馮奉世傳贊屢見之皆訓敬謹兒非如俗說俯其身之謂也執圭入門升階堂下堂上布武接武審慎有加焉能俯身而行乎此目不知書之瞽說也上如揖下如授者鄭君注論語云上如揖授宜敬也下如授不敢忘禮鄭切指授玉而言則上下當謂升堂與下階也其說稍迂然攷曲禮下明云執圭器操幣圭璧則尙左手行不舉足車

輪曳踵上言手容下言足容與論語此節文正相符合
鄭君注禮記云重慎也尙左手尊左也禮疏云謂執持
君器及幣玉則右手在下左手在上竊以爲論語經文
主說執圭揖授屬手則上下亦必屬手而言否則經文
上下二字安所指乎聘問瑑圭降其君瑞一等上公之
臣八寸侯伯之臣六寸子男之臣四寸六寸之圭以手
左右擎奉其上下之間甚微左手在上右手在下執圭
之法則然如揖如授卽所謂平衡之義鄭禮注衡謂與
心平是也或用霍灘說上如揖謂圭首與統綆平下如
授謂圭末在胸膺間亦近之但於經傳注疏無徵然按

之禮疏亦不相背又經典釋文引魯讀下爲趨論語後
錄據之謂古如而通此言執圭上而揖趨而授也賓自
入門至階所謂上有三揖聘禮記將授志趨卽趨而授
也存之以備一解